



先摺段酉話
 浅田宗伯著
 上

函之番 2951
 印産院文
 備考

ヤ 2
 711
 1



治庚辰新鐫

亦州姓而金昔



尤哲醫話

園淺田先生著

勿誤葯室藏



Vertical text on the right side of the book cover, likely a preface or publisher's note.

Vertical text on the left side of the book cover, likely a preface or publisher's note.

季幕中西席施君邦孚。因不習水土。兼失調攝。陡患癥漲。勢已增劇。遂延淺田君。來視察脈。投劑不三四服。而澤腹之堅。頓如桶底之脫。病遂霍然。始知扁鵲來齊。治腠理之甚易。太倉在漢。解顱腦而何難。真三折肱而九折臂矣。日者復携先哲醫話一書來。求序於予。翻閱數過。見某氏治某病。察某候用某藥。議論精卓。剖晰詳明。醫固

井井而有條。事亦鑿鑿之可據。乃知太上玉經之說。猶傳諸王君。隱仙靈寶之方。堪師夫祿里。則是書之成。洵後學之津梁。醫家之圭臬也。因誌數言於簡端云。

大清光緒四年戊寅仲冬

欽差大臣四明張斯桂撰并書



先哲醫話序
 栗園淺田君以廓清吾道為己任其撰著布世頃又
 聚享元以降哲匠之論醫者刪定其文名曰先哲醫
 話余受而讀之良山先生以下凡十三家其超邁之
 識獨得之見發前賢所未發而於診候施設之法
 實明確寓妙用於片言寄活變於隻句可謂醫林圭
 臬也今夫稗說野乘所載古昔英雄之戰略有神算
 可駭者有勇敢可畏者有運用轉化不可測者然以
 冗雜無統人或漫然不省記一入良史筆則耳目一
 新永為百世模範矣斯編元以國字書之多出門人

竹内熊次郎彫刻

先哲醫話序

栗園淺田君以廓清吾道為己任其撰著布世頃又
 聚享元以降哲匠之論醫者刪定其文名曰先哲醫
 話余受而讀之良山先生以下凡十三家其超邁之
 識獨得之見發前賢所未發而於診候施設之法
 實明確寓妙用於片言寄活變於隻句可謂醫林圭
 臬也今夫稗說野乘所載古昔英雄之戰略有神算
 可駭者有勇敢可畏者有運用轉化不可測者然以
 冗雜無統人或漫然不省記一入良史筆則耳目一
 新永為百世模範矣斯編元以國字書之多出門人

手。故俚言俗語。間失淺易。讀者憊焉。今經君刪潤。而文理燦然。神機活動。如讀史臣所記。良將戰策。使人躍然興起。君不特鑿林韓白。殆亦方家馬班也。嗟夫。庸陋無識輩。炫竒鬪異。辯給欺俗。苟以自售。此吾道之所以日萎。菴不振也。則凡言之裨益治術。發揮真理者。雖出今人。亦宜記以廣其傳也。况先哲之遺範。垂法百世者耶。昔人有觀楚漢戰處。而嘆時無英雄者。蓋假劉項慨當時耳。使斯編所載諸豪俊。出今日。則必將有雄論快辨。起吾道之衰者焉。是蓋君撰述之意。余亦有感於此也。久矣。及其命序。乃不辭而書。

慶應二年丙寅三月笠間侍醫棚谷善撰

Table with multiple empty columns and rows, likely a placeholder for a table of contents.

先哲醫話卷上

信濃 淺田惟常識此著

信濃 松山挺資剛校

余少年讀先哲理療書。竊謂不粗鹵則過密。與己所見不合。故不終卷而已。因取仲師之經。一意攻之。略窺述作之旨。又質之於治術數十年。而後閱諸家之書。始知先哲獨至之本領。悔當日不虛心凝思。從此尋繹則至古人之域亦不難也。惜乎日暮路遠。不復能與之相上下以成一家。然亦不能

自止。姑錄其一二以爲後生解悟之資云。

後藤良山

近世古方之學。以名古屋玄醫并河天民爲翹楚。而未免金元陋習。至良山先生豪然崛起。一洗從前弊風。其識見理療必當有迥異乎先輩者。世以爲好奇非矣。蓋吾醫術至一溪道三氏之門流。碎殘極矣。是以享元醫人復轉而泝古。此亦自然之勢也。拙軒曰。風約言。翁之本領在此。可謂善讀傷寒論者。後來傑輩出。皆聞翁之風而興起者。斯爲吾道中興。先生起筆茲非偶然也。

穀肉菓菜者正性也。草木蟲石者偏性也。故古昔養

精以正性者。治病以偏性者。後人不知此義。擬以藥

品補精氣抑誤矣。素問云。五穀爲養。五菓爲助。五菜

先生早標揭焉。而爲他日東洞諸輩立論之藍本。

亂世人其氣慄悍。肝膽氣鬱少。治世人其氣游惰。肝

膽氣鬱多。故宜以熊膽開其鬱。令肝膽氣達。永富爲

之於都邑市朝之人。比皆然。蓋太平日久。五民蕃息。金錢虛耗。奢佚日盛。則知巧之民不免病氣勢也。

醫人施治之日。從這處下工夫。則有大裨益矣。

其人有癥癖。而飲食減少者。譬之於人家。猶廊頽廂

敞而堂室漸狹小也。故不去癥癖。則胃不能振。醫不

知此理。欲與毒藥補胃氣。且菲飲食益損精液者。不

亦謬乎。凡療此症。先驅癥瘕。以滋味養胃氣為主也。癰疽餌食雞肉或鷄卵。能托出其毒。優於參芪。故治瘡以餌食為專一也。徐靈胎曰。服藥原為治病而設。並非藉以生長氣血也。殆是同

見。外感以湯液為主。內傷以餌食為主。錯之則不得其治也。

赤蛙不止治小兒癩。亦治大人癆。蓋癩癆皆屬癥瘕

也。此品能治癖氣妨害脾胃為下利者。兼制蚊蟲。楊

直指。曾氏口議并云。十五以下為疳。十五以上為癆。頗與此說合。而二氏徒用固陽滋陰之劑。更無發明。良山特用哈血蕩氣之藥。以除腹裏之癥癖。其術高一等。

癩利者。餌鰻鱺以炙乾為可。

按腹自心下至臍。任脉突起者。病聚脉下故也。病不

聚者。脉不必突起。老人肉脫發此證者。為近死期。

按腹心下任脉左右充滿有力者為實。若濡弱不充

滿者屬虛也。

虛憊症。脣色不淡白。耳輪未萎者。可救活也。是宜熟

察。

陽氣浮泛者。難認肉脫之候。先診背部。其人每欬或

喘。背上陷下者。因氣逆見脫肉之痕也。此證屬氣脹。

故名曰虛浮。不必水氣也。

診病人宜先審問曾患癩毒否。何則今世癩毒浸淫筋骨。多元氣為之壅塞者也。

病至大患。目不瞬者。眼胞元氣脫也。乃為反目兆。近死期。

諸病以漸成者多難治。若肉脫或有水氣者不治。

凡有痛者脉多緊弦。如太陽病頭痛者是也。動與緊似相反。而緊弦者動之甚也。動脉變遲者。正氣弛而邪氣未除也。如結胸脉遲是也。蓋動變遲者可救。不變而數者殆。

黃疸未發前為腹痛者。多是屬癩癖。又有脾藏鬱結

為腹痛者。可辨別。

金匱云。穀氣不消。胃中苦濁。此所

嘔者。宜柴胡湯。此

係黃疸腹痛治法。 嘔噎一旦食進者。不可恣喫。其人元胃中虛竭。反招

害。

卒中風多係癩癖塞心。故人事不省不能活。若不塞

心者。半身不遂。或口眼喎斜耳。其雖人事不省。而六

脉相應。手足厥冷者。一身大氣猶存。可救也。

男女俱年未壯。而身不了了者。多係風寒。宜調護。若

緩漫經日。則大便溇以至重症。故此證大便秘結為

佳。溇泄為惡。

專發聲音者。多吐血而脉不數。是不足畏。真吐血者其脉必數急。是大可恐。

凡病不論六淫七情飲食男女。皆因一元氣鬱滯。故皮膚鬱者。經絡滯者。遂皆及腹裏。猶水之湊陷地。醫者先得其大綱。治之為要。

微毒沈滯骨節者。經絡壅塞尤甚。故發種種變證。不可不知。

其人虛弱。咳嗽久不止者。此由寒氣壅表與虛火扇肺。故欬愈甚。而肺益涸。

奔豚證有肝氣兼微毒者。有肝氣帶疝者。但微毒與

疝不為奔豚。古語云。諸風掉眩屬肝是也。

瘵及疝之類。身體不自由者。苟健啖不運動。則脾氣不能行。故四五年後必死。患此證者。宜務運動以行脾氣。庶幾終其天年。名古屋玄醫曾患之。善全其終。

可以證焉。

水腫咳嗽甚者必水氣輻湊上部。又水氣發暴咳者。為瀕死。

雜病饑而不能食者有二道。其人雖饑。聞食臭忽惡之者蟲也。但饑而不能食者癥瘕也。

痿與痺易混。而詳之。則痺者主皮膚不仁。痿者主筋

骨萎軟。

風邪難愈。或雖差復發者。不必服風藥。唯以助陽氣散風邪為要。

病陽虛者易治。陰虛者難治。何者。陰虛則陽益虛。如虛勞是也。故陰虛火動者。雖能食。遂至死。陽虛者。脈不數而食減。是以多肉脫。故主餌食禁灸。灸之則反。脈為數。其為害亦不鮮矣。

虛勞。脈細數者。脈乍見。和平則為近死期。易所謂枯楊生華。何可久也。雖緩者。不出五七日而死。

一夫病似狂。恐懼惡見人。閉居陋室。半年所。後神氣

漸爽。而手足拘攣。舌強直難語言。心下如板築。癥癖妨脹。因灸脊際。服熊膽病頗愈。蓋此證。癖氣妨脹。故不發狂。若癖氣內攻。則精神失職。必發狂。今不然。故免此患也。

婦人臍下及任脈有塊者。不孕。凡癥癖所在。陽氣必不行。故以艾灸資陽氣為可。

父母有癖氣者。其子必受之。猶如癥癩之係遺毒也。癥毒入眼者。其始必頭痛也。

諸出血後。血氣未復。犯風寒。則多成癆。假令不成癆。證候錯雜難還愈。

一男子素有癖氣。偶感邪氣。其熱熾盛。譫語煩亂。醫治之熱頗解。但心下衝逆。大便秘。元氣虛憊。數日不能復。余診之曰。癖氣耳。莫為意。因使絕藥。治專餌食。而精氣漸復。大便快通全愈。此證雖元氣憊。幸大便秘結。故知病可愈也。

喘哮下部肉脫者。屬癖氣。凡癖氣逆上者。多下部肉脫。

其人脉數。腹氣不和者。為中風兆。宜速灸。若緩漫經日。則因傷食或外感。忽發中風也。

徽毒脉數。軟嗽與勞相似。但徽毒不肉脫。大便秘結。

小便淋澁。如勞雖小便濁。不淋澁。且肉脫或下利也。

若徽毒下利者。在病末。殆為凶候。按徽毒咳嗽似虛勞者。徽癘新書括

薑湯能治之。諸病將死時。多見厥陰證。是必然理。不止傷寒也。

火動證。病末發喘者。係下元失守。為難救。

喘哮甚者。與沈香効。木香亦可。仲景專用厚朴杏子。

此係無癖氣者之治。在今世則多屬癖氣。故沉香木

香奏效也。余為製一方。茯苓枳實半夏乾姜木香共

五味。

鬱證與癆相似。但癆脉微細數。鬱脉多沉。或雖見他

脉未曾至微細是為辨也。癆之極有便虵蟲者。有下腸垢者。皆為瀕死候。凡舊病羸劣吐下虵者。皆瀕死候不止癆也。仲師厥陰所論為有旨。

勞發白疹者。多在胸膈而不在面部。此熱氣熏蒸。津液外泄也。其理與元氣衰衛氣失守絕汗者。同為惡候。傷寒發白痞者。邪氣從痞而解也。故為善候。然宜與他證併看而決之。

畜水者。陽氣鬱于中焦。上下不相和。故發煩渴。如五苓散證是也。

狂證以白虎湯治其裏。以艾灸治其外者。此白虎消

腸胃之鬱熱。艾灸散榮衛之鬱滯。即寒熱並施。內外

兼攻之妙用也。狂症者。灸心俞。門三里。數萬壯。得

時止。百方不効。余為灌睡聖散。三錢。先灸巨闕。五十壯。醒時再服。又灸心俞。五十壯。服鎮心丹。一料。余曰。

病患已久。須大發一回。方愈。後

果大發一日。全好。是亦回揆。

微毒壅塞經絡者。患瘡或痢之日。善驅除其邪氣。則

宿毒并去也。如他痼疾亦然。

妊娠與血塊易混。然血塊者頑固沈着。無發揚之勢。

妊娠者凝結溫然。有潤澤之氣。又訊之於婦人。夜陰

快寢後。小腹勃然突起者。娠也。又乳頭黑者。娠也。婦人

經閉者。乳頭多黑。故難一定。賀川氏產論翼有詳說。宜併考。

後世以黃芪人參為補。澁邪氣誤矣。今癰疽痘毒專

用黃芪者。其毒自裏達表也。人參亦同。古方用黃芪主表達。非補

氣。人參亦主滋津。故柴胡瀉心方中用之無嫌也。

本邦人性剛悍不喜甘味。若強食之則泥戀生氣滯。

西人性柔弱喜甘味。故藥方甘草分量每過於邦人。

譬之於病人。猶元氣虛者。雖服人參多量不泥。在壯

實者忽生悶也。昔者今大路一溪翁悟此旨。專主順

氣。常用香蘇散。而至甘草不用匙。以指頭排散少許

爾。按香川修德順氣說。世以良山先生為濫觴。殊不知先生實本於一溪氏也。蓋當時昇平已久。浩然

氣皆餒。於是順氣之說。蓋萬疾以根于氣也。

求嗣法以溫腰為主。故灸腰眼穴。浴溫泉亦効。

婦人有血塊者。雖懷孕。臨產時或難分娩。拙軒曰。一

狹隘害分。挽者非手術。則不得治。不可不知。

一婦人腹痛在臍上一寸許。按之惕然。徹痛脉數。乃

斷為內癰。餌以雞蛋。服以黃芪薏苡劑。後十日大便

果下膿血。

暑邪概自汗出。故雖有表證。不可與發汗劑。與白虎

湯類可。

狂證在婦人難治。微毒在婦人易治。

婦人因瘀血發狂者易治。在男

子發狂。雖輕者。不急治。

四苓散加漢蒼朮。治雀目屢効。雀目多屬疳。因治疳

方中多用此品。亦能奏効。拙軒曰。眼科提要云。四苓

味。治。晚。盲。極。効。

戩菜能治結毒骨節痛。但其臭惡不易多服耳。

余每稱心小膽大之語。以為醫家喫緊。先生之術固

先根底。鑿經經方。而復致力于思。邈諸子。故其于大

疾沉痾。自然遊刃有餘矣。○拙軒曰。讀此條。可謂名

黃連性燥。雖浸水出之必乾。黃芩性潤。雖去水猶濕。

故知芩連同治痢。而各異性也。治嘔亦然。

諸瘡內攻為水氣者。與赤小豆湯。熱甚者與大連堯

湯効。

病人虛里動甚者。多遺精。陳修園以龍膽瀉肝湯治

沈芋綠曰。當先治其心火。而及其餘。宜黃連清心飲。亦與此說相發。

大病後表氣薄弱者。偶感風冷則卒厥。此雖在夏月

屬中寒也。李挺曰。中寒冬夏同有之。旨矣哉。拙軒曰。與古人

霍亂四時有之。云者同案。俱皆理到之言。足互發明。

瘡與痢同因而異其位。瘡邪在表裏間。而痢邪即着

腸胃。故瘡在外易治。痢在裏難解也。醫說云。暑毒在

泄則痢。不痢則瘡。而良山能發其理。

噤口痢者。毒氣劇甚。自腸中熏蒸胃口也。急與承氣湯下之為得矣。若失下。腹濡口噤者。宜獨參湯。

噯噎反胃三者同病也。但反胃者。胃中不和。飲食難化。或朝食暮吐。噯噎者。胃管萎茶無潤。穀氣不能下。或癥瘕壅閉胃口。飲食為之妨害。故反胃及在壯年。而噯噎多屬老人也。

其人屢患喉痺者。多為噯噎。此因喉痺氣管耗損。津液失潤澤也。壯年者可治。在老人難治。何則胃氣衰弱。胃管硬強。譬之革囊。猶水漬火焦。剛縮不能容物也。

噯噎與鼓脹同因。屬癥瘕也。瘕氣橫梁。腹皮為之膨脹者。鼓也。瘕氣潛匿。腹皮為之陷沒者。噎也。二病俱係精氣不振。腹裏失潤澤也。

凡長病面部腫氣。俄減者。陽氣下陷也。不可忽諸。其人氣血凝結。腹裏生鬱熱。水穀之氣漸蝕。以為羸瘦者。名曰勞瘵。此不必虛乏人。雖壯實者。往往有之。喘急有因奔豚者。此瘕氣上侵心肺也。按三因息奔湯能治此證。

喘家其證雖劇甚。多無害於性命。若傷寒卒中諸急病。或緩病效忽止。但喘者。有不測之變。不可輕忽也。積年苦頭痛者。多屬瘕氣。如偏頭痛尤然。故瘕氣在

右則右痛。在左則左痛也。

丹波一婦人患腰痛三年不愈。食乾過臘魚有效。恐按

是血滯腰痛。花岡青洲治痿證亦用乾過臘魚末宜試。

痛風與脚氣同因。而痛風其邪淺。脚氣其邪深。故其

愈亦有遲速之別也。

方今所行脚氣。即千金外臺所謂風毒脚氣也。宋元

以來所謂脚氣。即今所行疝氣也。後藤徽曰。吾邦往

無行。寶曆以來流行復熾。是以先子有此說。

中風偏枯。多因癖氣壅塞經絡。氣不能外達。故癖氣

在右則右枯。在左則左枯也。

中風口眼喎斜者。因正邪分爭之勢。而血氣偏勝也。故喎斜在右則病在左。喎斜在左則病在右也。如半身痺痿者。亦同此理。

遺精多因肝膽氣鬱。又有因疝者。其證概腹中拘急。

夢裏精水激動而漏出也。其人雖每夜有之。反無脫

陽之患。與構精者異。拙軒曰。論病精細。近今世人多有此證。真無大碍。

小兒疳證。目盲而其病愈者。與微毒耳目鼻自毀而

毒解者同理。

婦人懷胎則藏府向上。故氣多塞。紫蘇能疎通其氣。

是以妊娠方中使用此品也。妊娠有水氣者。紫蘇大

腹皮尤効。

案當時傳良山先生術者。京師有香川修德。山脇尚德。浪華有市瀨穆。伊勢有山村重高。備前有赤澤貞幹。家著戶述。不乏其人。而後來私淑先生者。以筑前龜井魯為最。曾著病因備考。補翼其說。又賦詩云。長沙太守元儒紳。述古兼醫百世人。直指經方歸易易。誰家私說言斷斷。樞機何用煩汗簡。糟粕須知恥躄輪。卓乎良山藤老子。才良仁術足相親。

北山友松

友松胸宇洒落。以曠世之才。授閩醫之傳。善得法外之法。故治術別開生面。自有神識超邁。觸手生春之妙矣。

友松嘗善象胥學。又從禪僧化林。學仲景奧旨。就戴曼公。得內經本草精蘊。既而謂皇朝鑿風亦不可不研。乃師小倉醫員原長庵。岡本玄治高弟遂大成其業。

虛勞有直腸疼痛大便難。或發痔漏者。此皆係肺大腸損傷。為難治。常屢診虛勞者。發此證頗多。而百無一治。古云。肺與大腸為表裏。或然。歛血品。以牡丹皮荊芥蒲黃各炒黑為奇。本邦婦人套藥皆炒

先抄醫言

雜

勿誤藥室

黑為用。即此意。

阪本人年五十所。鬱鬱不對人。飲食減少。頗如勞瘵。先與補中益氣湯。後以九味清脾加歲鞋得愈。凡開達肝脾之鬱塞。無若清脾湯。若逢肝脾鬱塞。以認此湯主治為要。

一婦人三年不語。一月內或一二言耳。乃以為脫營類。與人參養榮湯。易裘葛而愈。

盜汗不止者。與九味清脾湯加地骨鱉甲椒目奇効。當歸六黃加地骨防風桂枝黑姜椒目亦効。椒目能歛汗。古人嘗論之。今忘其出典。香川修德藥選論椒目効最詳悉。宜參考。

一男子得病。其證類噎噎。友松診之。以為心脾腎氣不足。胸膈無潤澤。故食飲不能下。與八味丸料加萹人貝母陳皮縮砂。萹用金匱大半夏湯。參五分至一錢。時用參附湯。

徵毒頭痛久不愈者。柘榴皮酒煎服。忽差。蓋此證醫誤以風藥發之。故柘榴皮瀝之則愈也。先醒齋頭風神方亦効。土茯苓四分。防風一錢。天麻一錢。辛荑花五分。黑豆四十九粒。燈心草二十根。芽茶五錢。河水井水各一鐘。半煎一鐘服。

其生胸下上腕邊突出。氣急煩悶。與異効散加椒目愈。又目瘡。俗稱女波津古。一名女保者。用升麻葛根湯加椒目効。

先抄醫言

卷上

十四

勿誤藥室

友松以養榮湯或左歸丸料治虛羸專視十指爪甲血潮之多少為消息蓋辨血色之好惡在爪甲不可不知老醫傳云診脈畢宜以指按病者爪按之白放之紅者吉雖久病可治放之紅不復者雖頑病甚凶香川修德行餘醫言亦載辨爪法宜考

嘔吐膈噎食不下者半夏厚朴湯加海浮石枯礬効乳腫屬氣滯乳汁不通者四物加王不留行穿山甲効

徽毒為殘害者主小柴胡湯隨證加減多驗按醫綱湯加草龍膽黃連胡黃連治舊下疳瘡忽頭痛發熱自汗撮要小柴胡去大棗生薑加山梔龍膽草當歸芍藥治肝經熱毒下注便毒腫痛一切瘡瘍或風毒惡核瘰癧此類頗多宜考和田東郭曰凡徽毒有熱

者先不解其熱則不愈此即用小柴胡湯之旨

土佐翁謂長澤道壽隱栖西山一日診京師商人癰疽曰

宜日服人參五錢後五日診曰未見參効恐不治病家告實曰服參一日不過二錢五分翁曰賤命重財無益矣苟欲生則服參宜今日五錢明日六錢又明日七錢漸次相進商如其言七日病果愈友松曰用參將息適宜可謂得補托之真訣矣

土佐翁著鑿方口訣集三日而成有馬氏涼及手寫證治準繩全帙以諳記其卓識焉志可並稱治頭痛薄荷石菖葛粉川芎白芷五味細研蜜煉服

先哲醫言 卷上 勿誤藥室 痲

効。平常患頭風者尤妙。以治痰妙。凡痰結心包健忘者。無不効。一僧疫後患此證。服之速愈。

過服石膏下血者。補中益氣湯加肉桂乾姜効。婦人下部水腫。或小便不利者。枯礬細研以塗湧泉穴及指頭。則利尿腫消。

痘瘡以日數證候變者。其理與傷寒傳經同。屬疫氣故也。宜知元氣旺衰邪勢劇易為要。若徒執黃芪當歸人參。終始療之者。不足與論也。按隋唐醫書皆以毒說起。其理遂晦。先生特闡之。可謂卓見矣。

疫證舌上白胎者。熱入府也。赤爛乾燥者。熱入藏也。張氏舌鑑論之為確。

張景岳制人參胡椒湯。為有深旨。凡極虛者。附子反走散元氣。故與附子則脉却伏結。不可無此湯之設也。

一婦人喜唾數日不止。醫以為蟲積或虛冷。治之無効。余以為鬱。與正氣天香湯速愈。疫後喜唾不了了者。一老醫與大柴胡湯速效。是亦屬鬱者。

準繩傷寒門。傷寒類傷寒辨。學者宜熟讀諳記。使門人各書寫一通。

歸化醫某始療病。每服藥重七八錢。甘草分兩尤多。而無効。人皆以為庸工。某曰吾過矣。國人比之於唐山。腹力頗弱。故不能中肯綮。便減其分量。殺甘味以爲之。無不百中也。

治病必求其本。乃往聖之模範。隨證而施藥。是後學之應用。及治四時傷寒。各隨其類。豈可局於區區論

說哉。醫家宜當之義。

明大祖諭徐達曰。更涉世故則智明。久歷患難則慮周。吾業最爲然。以救己之心。推以救人。所謂見身說法。誠千古不磨之論。

夏布政字正夫。未嘗以淹屈降志。嘗曰。君子有三惜。

此生不學一可惜。此日虛過二可惜。此身有敗三可惜。余續之曰。有善不作四可惜。有過不改五可惜。老來怨天可更惜。

骨空論曰。厲風者素刺其腫上。已刺以銳鍼。鍼共按處。出其惡氣。腫盡乃止。常食方食。無食他食。按常食以下八字。爲治難病之妙訣。不止厲風。故余一生以爲治病藥食之準則矣。又按張氏註云。食得其法。謂之方食。無食他食。忌動風發毒等物也。此說未是。方食即謂方宜慣食之物。他食即謂所不常食之物。言食膏粱之人。試以淡泊則惡。茹藜藿之人。試以美食

知抄醫言
勿謂藥室辨

則傷食不唯却其病反生他病。

東垣辨惑論當為一卷今別為二卷者恐係後人之手何則舉補中益氣以至暑傷胃氣即說正月以下三四月治法肺以下至脾胃虛即說五六月治法下之至內傷辨皆屬九月以至十二月之治法一意到底不可為二卷者昭然。

李氏辨內外疑似證最精矣且如氣少氣盛辨益于後學不為鮮然至內外相兼者李氏說未為盡宜涉獵古人書以補其闕。

下元虛損精氣枯槁人外感風寒頗似溫疫者或宜

先補虛或宜先發邪或宜補瀉相兼此際醫最可苦心處固非筆墨之所盡焉。

醫學綱目別為一家與他書體裁自異錢氏論小兒

亦自一派據之不為可不據亦不為可。拙軒曰有明一代之醫書之

多汗牛不啻所謂換擬釘鉅者居多戴復菴吳有性陳實功之外僅數家耳暨綱目亦庸中之佼佼者此言有味錢仲陽之於亞科頗為大家然見為一派真是有識之言。藥傷寒知去路來路為要或表入裏或陽轉陰或前在某位後進某位或始終一位審之以處方思過半矣喻昌曾辨之可就見焉。

余常主實學示子弟曰經絡脉說不可不知而深拘

之則反失於實用。學者固不可無取捨之見。

余不喜講說。唯正月初八祭神農氏。使門人講上古

天真論耳。其說曰。聽講義鮮益。其効不若熟講百遍。蓋在心悟。此可以為世醫信耳。不信目之

戒。

余晚年讀本草。日夜不釋手。故其用藥雖一味無贅品。

余療南源悅山高泉諸僧。皆用大劑。何者西土人比

之本邦。頗厚腸強胃。非輕品所敵。風土人物之異不

可不知。西土醫診病。直記其藥。按以與病者。病者購

輕劑射利者迥異。

甘麥大棗湯。治產後似邪祟者奇効。按所謂如有一

傷寒壯熱煩渴。小便赤。不大便七八日。舌燥。目赤時

閉乍開。僅啜粥汁耳。一醫與清心溫膽湯去香附加

辰砂淡竹葉。而讖語益劇。脉伏不應。因與白虎湯合

黃連解毒湯。諸證自若。乃煎人參三錢。黑姜一錢。兼

服之。脫然愈。按此與吳有性承

建中湯入口。則痛乍止者。甘以緩急也。甘草粉蜜湯

治心痛。其旨頗同。膈噎服蜂蜜。一旦納食亦同意。大

半夏湯之於蜜。不過此意矣。

張仲景一書。炳如日星。亘千古不可磨滅。熟讀者知

先哲醫言 卷上 二十 勿言藥室藏

其意當時醫多讀素難不讀傷寒論故發此言以示為萬世理道之神書救人之秘典也內經終始一言以蔽之曰亢則害承乃制經云知其要者一

而終不知其要者流散無窮可謂真知其要者東垣本於內經陽氣清淨則四維收之意制補中益氣湯深得經旨矣在本邦土佐道壽善研究其意故治脾胃手段最長矣

羅氏曰七分內傷三分外傷者不治是善得李氏之意者治療之法先瀉後補為易先補後瀉為難丹溪斥局方者係救時弊門人戴氏專用局方其意

可知矣

古林見宜療紀州熊野山中農夫水腫服藥良久無効因加青芋於方中又以之為朝夕餐而病愈蓋其人生於山中以此物為常食而偶出於浪華請藥於衆醫禁忌亦隨嚴故脾胃失常度藥力不能達是以施方宜之術也

咽喉痛頰腫及嘔噦者小柴胡湯連堯各等分服之效水氣不論新久欲持脉不能遽舉手或欲按足跗不能伸脚而微喘者死證也腫氣一旦減乍復者亦不

治。

淋疾與五淋平胃瀉肝諸湯。莖中澀痛甚者。補中益氣湯加蒲黃大五靈脂金銀花効。按內注下疳。速年不愈者。與此湯亦效。

常誨初學。用零紙書。古人醫按。各處其方。以得其當為上等。

凡方證雖相對。分量有過不及。則不能奏効。故葛可久損傷病。論大黃多少至密矣。况如中氣卒厥之於人參。陰虛之於龜板。其多少不可不最密矣。友松治腫脹。用補氣養血湯。十愈七八。盖此方不用

利水品。而腫脹難治者。間奏大効。其意在專治脹也。一醫生讀喻氏寓意草。友松聞之曰。喻氏之書不無益。然以之為治療之模範。恐為下工。

嘔逆諸治無效者。及諸嘔吐不能服藥者。與旋覆代赭石湯効。盖此方人參代赭相伍為妙用也。如白通加猪膽汁湯。其妙亦在附子猪膽相伍也。

閩人化林老漢傳。治眼暗失明。用鳶首霜。此理高上。可玩味。

攝津池田有一奇病。其證兩脚酸疼。漸肌肉削小。難屈伸。遂成痿。俗名曰池田病。此病他人間患之。而皆

受之於池田云。友松與獨參湯愈。

八味丸為轉胞之套劑。而服法非逐次增分量則無效。此即益水源之意。宜三錢至八錢為妙。

小劑藥量。時不無効。醫學正傳有其說。汪詎菴亦論之。

積氣鬱。或夜中發熱等。病有發止者。詳其由。有患瘡者。雖數年後。兼用陰瘡丸則奇中焉。

閩人傳。治貧窶消渴。水中腐木一味。為散服。又治頭風。鳶頭霜燒酒服。友松治一武弁。兩眼旋轉。與鳶頭灰。蓋擴充此意云。

凡用滋補滋陰藥。方中無陳皮半夏木香砂仁等。則不能達藥氣。此理尤不可闕。按古人黃芪建中湯加半夏者。即此意。

方者法也。如毀舊屋而建新屋。故使方而不使於方為要。假令如以中風方治咳嗽。是使方也。若以風藥治風。以咳藥治咳。是不使於方也。况索病根而治之。諸證不治而自治。乃上乘法。

下部腫與防已茯苓湯。上部腫與茯苓補心湯。並奏効。婦人腫氣多屬血分。防已能入血分。故多効。若屬氣分者。茯苓澤瀉為主。若男婦陰虛為腫者。六味地黃丸加附子防已蒼朮効。又腫病元氣實者。大承氣

湯為丸用之効。證治要訣為必讀之書也。如藿香正氣散加木香以為一方之類。其意尤可稱。

江州堅田村北村道卜者。年可六十。患中風。京醫幾島氏療之無効。因延余。余診曰。欲速愈。則後三年必再發。以至不治。若不欲速愈。則十五六年。當延其壽。二者請選之。病者曰。荏苒彌年。何堪其久。願速愈。以謝朋友。乃作異功散加烏藥白芷青皮與之。服五十貼全愈。後三年果如其言。門人矢為安節。問緩治之方。曰。十全大補湯為得焉。

友松在北村氏家。隱几而坐。一女子將請診。望見叱之曰。汝妬心溢面。可深惡。女子赧然謝服。因語曰。汝神彩甚病矣。苟有悔心。余善療之。即與藥而愈。蓋此女嫉妬多年。夜則穿戶窺隙。頗如狂人。而友松一見洞視。人服其技云。

阪陽老醫問起死回生之方。答曰。方無靈。唯求其本耳。不言其他。凡病虛實難辨。補瀉難決者。能察其脉證。審脉可據。與證可執。而從其確者。則治法庶無愆矣。江州北村左太夫。虛羸不食。一日氣息淹淹將絕。急

延林市之進診曰。血脉衰弱不絕如縷。庶幾萬一耳。乃作劑僅用人參一分龍眼肉一個。衆皆危之。翌朝來診曰。證候如前。而毛竅稍塞。肌膚少和。是脾氣旺肺之機。乃可望生。因倍人參龍眼肉與之。果愈。友松聞之嘆賞曰。極虛者投大劑純補。譬如燈火將滅急灌油。不滅何俟。林氏可謂得補法之蘊矣。

浪華菱屋素閑年六十餘。形羸不食。其初得之於傷食。諸醫治以香砂六君子湯。七味白朮散。無效。友松與異効散加漢當歸三十貼而愈。又金田舖某女。不欲穀食。唯食他物。諸治無効。乃與四物湯加入參白

朮橘皮而愈。門人問其故。曰脾胃血液虛。則枯燥不能食。漢歸味甘。能益脾中之血。是以爲進食之劑也。經曰。手得血而能攝。足得血而能行。肝得血而能視。據之則肝云云下。當補胃得血而能食一句。

大七氣湯治婦人久咳不止。其意可味。

癱瘓經年者。一旦忽然手足動。目睛爽。即急變候。

久病及大虛人。尺肉脫者。及指頭不能急屈者。多不

治。片倉鶴陵曰。凡病人肌肉柴瘠者。手腕後肉脫而形匾。醫握其中。央指頭將相合者。不問何病。爲死候也。雖飲食如故。此游覓之。假息耳。勞瘵之病。累月後必見此候。唯傷寒痢疾脚氣後有此候者。往往愈於此。

脈要旨在願生微論。不可他求。唯本草揭脈處。亦可併讀。

痢疾嘔噦。諸藥不入口者。黃連一味小劑服之。藥食共得下。後見虬證。因前方合大七氣湯與之。此法本於薛氏治太宜人按。

友松所著醫方口訣集。纂言方考等首書。讀之深知學術富贍。游及有餘。獨至北山暨按。徒摹倣古人局守法度。終乏高逸之氣。學者讀之。可不讀亦可矣。

和田東郭

復古之醫術。以吉益東洞為最。東郭出其門下。獨不

奉其衣鉢。別成一家。蓋譬之兵家。東洞醫如韓信

行軍。背水絕糧。置之死地而後生。東郭醫如李靖用

兵。度越縱舍。卒與法會。各有其長。不易優劣。學者於

此處着眼。庶幾得二家之真矣。拙軒曰。古人往往以兵家之事擬醫術。先

生以韓信李靖評二氏更妙。病癰瘕。肩髃骨開脫。如容五指者不治。又握掌不開

者不治。開而不握者治。證治準繩論嬰兒尤精。足以見王宇泰之苦心。轉胞

六味丸治驗亦可玩味。病轉胞。臍下有塊。其形圓者治。若扁如柿核者不治。此證以八味丸為套法。而四逆散加附子。抑肝散加芍藥亦奏效。不可不審。

水氣不虛不實。其腫光艷者。鯉魚湯為得。

水氣人。胸膈及肩背拘急如束縛者。為犀角的證。

一角能治水氣上衝。故用之脚氣衝心。頗効。

打撲有似瘀血衝心而否者。曾觀山陬一婦大損傷。

精神昏憤。腹中如杯盆者。迫于心下。頗悶亂。脉息僅

不絕耳。余作走馬湯與之。服已須臾。煩躁吐瀉清水

數升。霍然而愈。故知不可槩為瘀血而治也。

油風多用大柴胡湯而效。是宜治其腹。徒不可泥其

證。華岡青洲治此證。以大柴胡加石

每稱東洞曰。先生治足痿弱不能步行者。與桂枝加

朮附湯。兼服紫圓速愈。可謂妙矣。此上焦得通。津液

入其室。○拙軒曰。青洲翁療梅瘡結毒。頑結難愈者。

用桂枝加朮烏湯。兼用消毒丸。應手而痊。蓋從此處

奪胎來。一婦人年三十有五。背脊佝僂。身不能動搖。足屈而

不伸。脉沈緊。其形如十歲許兒。即與理氣湯。兼服紫

圓。六月後與慈姑湯。脚伸病方愈。

桃花湯治痢病便膿血極効。蓋初起與之無益。其期在熱氣稍解膿血不止。論曰。二三日。至四五日。其旨深矣。

余常用桃花湯爲散。白湯送下得効。若少陰病形悉具。特便膿血者。以真武湯服桃花散亦可。

世所稱中風。多因癥瘕爲偏害。宜診腹以處方。故大柴胡湯加甘草。抑肝散加芍藥等。能治此證。其他如手足痺痿。亦世醫徒拘其證。不察其因。宜矣。不得其効也。

一老人痰喘氣急。有癥瘕。烟柳安以爲勞役。與補中

益氣湯。痰喘益劇。余診曰。此人性豪強。壯年起家。故肝鬱生癥。加之水飲聚結。以爲喘急也。乃與寬中湯加吳茱萸病安。後感寒爲下利。因與真武湯利止。以四逆散加薯蕷生芩全愈。

一男子犯寒夜步。因感冒。短氣。手足微冷。醫以爲中寒。與四逆湯。服後短氣益甚。咳嗽面赤。因與越婢加朮苓湯。頓愈。

病者目赤。眼睛不轉如魚目者。爲難治之候。病人不論緩急。將診之。宜隔床望見其形氣。形氣縮小。神彩枯瘁者。死候。不必持脉而知之。

脫證誤與攻擊藥則爪甲忽失光澤不可不知

神闕脉亦為治諸病要訣按之沈小不移者形體雖

虛為實候宜攻之若浮芤無力者為虛候如水分之

動亦同之

傷寒舌圓厚者又薄小者皆為惡候又始終白胎不

變者亦為難治候又厚者赤者皆為虛也虛不遠曰傷寒可以

視古識病則風暑燥濕恐亦有定法此言誠為隅反矣

臍下悸按之與呼吸相應者病人雖危篤其死有間

脚氣勞瘵濕毒三病當臍上五六分任脉外各一寸

許不拘左右必有動氣脚氣則弦急勞瘵則虛數濕

毒則無定形

凡大病眼中夾者惡候不了了者反有生意勞瘵及

雜病眼神與病相應者為佳

診大病鼻梁亦為要訣醫書徒論明堂而不及此為

闕典

腹脹攻下無効者有漫遊散氣則頓愈者此因心下

素有積為脹滿也按靈樞云夫脹者皆在於藏府之外排藏府而郭胃腸脹皮膚故命

曰脹東郭所論蓋斥此等之證而言也

石膏非大劑則無効故白虎湯竹葉石膏湯其他石

膏諸方其量過於平劑世醫不知此意為小劑用之

譬如以一杯水救一車薪火。宜乎無効也。拙軒曰。此言甚好。傷寒諸方之石膏。則劑可大。而服數不可多。為至難病。則非大劑。決不能奏効。放膽用之。而益可。方今醫人如恐蛇蝎。噫。

感風寒。咽喉腫塞。藥汁難通者。作驅風解毒湯加桔

梗石膏。冷服極效。拙軒曰。此證小柴胡加桔梗。石膏亦奇中。青州翁曾用之。

傷寒大熱。煩渴譫語。欲飲水數升者。固為白虎湯承

氣湯的證。而又有假熱者。有水邪者。故真武湯或犀

角生芩類。有時為帝。醫者宜審脉證諦腹診。以決真

假矣。

傷寒面合赤色者。升陽散火湯犀角湯。醫學綱目間効。若

服之二三日不愈者。多為戴陽。難治。

治療有先後之序。紊之則無效。一病人足心至脗間

煩熱。日夜數十發。殆如有火往來。醫以為脚氣。治之

不差。余診之。臍右以至少腹。磊塊應手。此屬燥屎。因

問其大便。曰不通。乃作調胃承氣湯與之。燥屎悉出。

而後治其脚氣。諸證全愈。是其明徵。

疝陰囊腫大。與治疝諸方不愈者。與半夏厚朴湯加

犀角速効。又經閉與逐瘀諸劑不治者。與安中散抑

肝散等得効。是皆欲得南風必發北牖之理。鑿不可

不知此活手段。

小兒慢驚風及中暑者其口為如笑狀者必死。

因毒氣而聲啞者加喘氣則多死。

吳氏所論疫京師十年前大行其後絕無蓋疫者年

年異其證而發於柴胡證者多則募原說不為無理。

仙臺工藤周菴著救瘟袖曆論因時運異證亦可參考。

微毒家口中爛耳鳴咽喉腐蝕頭痛肩背痛聲啞吐

沫齒斷強直八證者皆係輕粉毒宜詳之。

天庭色衰者為虛色盛者為吉色痿有雜紋者為難

治日月額凹陷者死失色者為難治鼻無生氣或羸

脫者死耳痿失色者死髮際有白點者死面冷或鼻

冷或少商穴冷者死額上冷者死此皆望色決死生

之要訣也。按醫學正傳小兒門湯氏說云山根若見

疾尤非佳兆矣然東晉謝安北宋劉貢父俱有是疾

一則德望蓋世一則博識談覽居一代諸賢之右亦

不可拘物理小識云小兒乳哺時母有孕

輒眉心黑泄瀉據之則眉間亦可精察

脇下引背脊痛者多屬畜血不可槩為懸飲。

世所稱膿淋者非淋即外科正宗蝕疳也宜解毒劑。

急喉痺秘塞不能飲下者與苦酒湯効或平素患咽

腫者亦効一男患咽痛後元氣衰乏下利咽腫而燥

難言語者與苦酒湯初痛楚不能嚥後快通愈

病人絕脉者暴出為惡候微續為佳兆不止脉如厥

逆亦然。治病求本為要。譬如鼻痛耳痛耳聾。徒為耳鼻之治。此即捨本執末也。為醫者宜認其所以然而治之。用方以活變為主。某方治脫肛。某藥主下血。槩用之者。不知活變也。一方以應萬病。萬病以歸一方。是謂活變也。

心胃痞塞。用芍藥甘草類不應者。半夏厚朴湯加芎藭。輕其劑量而服之則效。拙軒曰。如此條所言。東郭翁極得意手段。玩味有餘。

泄利與附子劑不止者。錢氏白朮散奏效。此理可玩。

一婦人羸瘦。盜汗。下利十餘行。腹中拘急如摸羅網。不欲飲食。時喘者。與真武湯愈。

傷寒與下劑。以其脈沈實沈緊為的也。此語非大有見識。大明脈

理者不能道。誠與仲師用承氣之旨符合。

病人有心下痞鞭。腹中拘急而遺精或漏精者。槩為下元虛治之。則痞鞭益甚。先治其痞。則遺精亦隨愈。病欬血。心下有水。左肋及脇下拘急動悸者。與柴胡

姜桂湯加吳茱萸茯苓愈。此治腹而血自治也。拙軒曰。翁之用四逆散。柴胡姜桂湯。八味丸等。縱橫顛倒。變化無方。實極得心應手之妙。他人不可及也。然精思求之。豈不得其彷彿乎。

諸瘡內攻。及脚氣上冲。與木瓜吳茱萸犀角等無效者。四物加黃蘗山梔子。或四物加洋萍能治之。蓋不制水濕而治血虛。最是上衆法。

生地黄能治心下痞鞭。乾地黄亦然。但其效不如生耳。

京師一時咳嗽大行。有人患之。諸藥無驗。荻野台州以爲下元虛。與八味丸不應。診之左肋拘急。因與四逆散加吳茱萸牡蠣速愈。

一婦人數日自汗。不食。脚攣急。臍下有塊而痛。其狀頗似蓐勞。衆醫治之不愈。余以塊爲主證。與安中散

塊漸消。汗隨止全愈。

久腹痛者。徒禁厚梁。而不減飲食。則雖方證相對。更無效。

腹痛發嘔吐者。不詳其因而治之。則誤人不淺。鮮因者何。曰積聚。曰停食。曰虵蟲。曰水飲。曰瘀血。曰腸癰是也。積聚心下痞鞭。按之則反脹。停食心下濡。按之如空。虵蟲按之指下有氣築築然。瘀血多在臍旁及少腹。按其痛處。塊應手。水飲其痛遊走不定。按之則鳴動。腸癰多右腹。按之左右異狀。且手足痛處則必覺潤澤。右足攣急。小便淋瀝。余多年潛心辨此六者。

無有差忒。

風眼痛劇者。與紫圓六七分。大下之即效。

拙軒曰。專門眼科。曾

有此快活手段耶。

微毒熱甚者。以清解為主。若解熱不徹。則多為沉痼。

癢疾。此法醫書未說及。為可深惜矣。

偏枯證有治不治之辨。病者握手者決不治。試使握

手仰臥。則其手必開。復起之則如故。是為惡候。

禁口痢者。胃口至胃中。多畜水飲。故水分動氣甚。附

子理中湯加粳米。或加薯蕷生芎効。又將生鷄肝入

未醬煮熟取汁服之。

掘河丸。太街一富商女。年十八。患麻疹。其狀細小。欲

發不能發。隱隱於皮肉。大熱如火。嘔逆水藥不能納

口。余以為熱毒內攻所致。乃與調胃承氣湯。病阻不

能服。因延田中信藏診之。曰。余有浴法試之。家人疑

議。余曰。藥不能下。施之而可。信藏乃以清酒和熱湯。

盛之於盤內。使病者沐浴其中。須臾出之。溫覆取汗。

則嘔吐忽止。疹悉發。拙軒曰。魏氏博愛心。鑑水揚湯。浴痘兒之法。與此條同。巧異曲。

治痘法。以辨胃強弱為要。雖有下利煩渴寒戰咬牙

等證。胃氣強者可治。補瀉之分。全在此一途。

老人頑癬。多因血液乾燥濕熱熏肌表。故溫清飲為

的治。或加浮萍佳。

脚氣動氣甚者。四物湯或効。蓋以水分動為標準也。噦逆屬胸中者。主橘皮竹筴加丁香。其屬腹中者。主附子粳米湯合甘草乾姜湯。若有水飲。中氣虛者。主香砂六君子加芍藥也。

產前後口舌赤爛焮痛者。實者以麥門加石膏湯。三黃加石膏湯為主。在虛實間者。以加味道遙散為主。極虛者。以附子湯加當歸為主。若赤爛生白點者。為惡候。加下利者。為不治。諸病其脉時時變易者。屬癰也。

余曾謂芍藥緩肝。當歸潤肝。川芎疏肝。生地黄瀉肝。其能各異。而要之。不能出肝分。

卒厥人。跌陽脉應手者。為惡候。何者。胃氣脫則跌陽反鼓動。宜審其神氣有無。

吐與利。證異而因同。醫當曉其理。

諸病凝結心下者。多屬肝氣。疫證亦多挾肝氣。宜察焉。

赤遊丹毒。不早下之。則內攻為走馬牙疳。宜涼膈散加犀角。

徽毒上攻。頭上腫起為凸凹者。屬火證。宜溫清飲。徽

毒動生火。不可徒爲濕而治焉。
久病人。左右偏卧者。一朝忽得自由卧。則死期在近。
池田瑞仙橋錦診痘甚粗。如不用意者。或人問之。曰。診
察過密則反失真。其妙存于目擊之間。譬如觀刑人
之就死地。雖剛強者其氣餒。憔悴之狀在過眼之間。
若熟視久之。則其形氣與常人無異矣。余治妙法大
王臣管谷中務卿男。啖柿菓傷胃。發大吐瀉。四肢厥
冷。過肘膝。換數醫百方治之無效。束手俟死。余望之
形容自有生氣。因與理中安虯湯。忽蘇息矣。是前醫
則熟視刑人也。余則一見於道途也。可謂瑞仙真得

實詣者矣。

患癖囊者。足痿就蓐則多不治。
結毒入眼。瞳人陷缺者。爲用汞劑之的。非他藥之所
治也。消息與汞劑。則瞳人圓滿復故。若不圓滿反緊
小。神水流散者不治。
因結毒成聾者。成青盲者。成聲啞者。皆不治。但聾耳
有所少聞者。遠房服藥則愈。
服輕粉口中腐爛者。石榴皮松脂等分煎服效。
凡與粉劑者。先與瀉火藥。而後與之爲佳。此與療打
撲者。先行拆水。而後服酒。奏全效。同一理。

會陰打撲。小便不通。但少尿血者。與桃核承氣湯。若不差者。與大黃附子湯。一貼用附子二錢為佳。服之小便快利。血止為度。又因證可與八味丸。是真藤元志試効方云。拙軒曰。會陰打撲。其證劇。併尿血。涓滴不通。苦悶者。內用甘遂大戟。駁劑。外施導水管。不然無救法。此條所言。蓋屬緩證。

癥癖逼塞胸膈者。脉異左右。癖之所在。其脉必滿。癖之所無。其脉必數也。又有其人常脉遲。因癖而為動數者。

癥癖人橫卧。有下癖而眠者。有上癖而眠者。審之其下癖者。必因胸中衝逆甚也。

舌色純紅而柔爽。其形失常乾燥者。為參附所宜。與之舌色不變者。惡候也。若無汗。讞語煩亂。舌上焦黑無芒刺。乾裂成皴者。亦為附子所宜。蓋此證其脉雖浮洪或弦緊。必無根抵。與附子病勢緩。則脉必見虛候也。蓋舌純紅者屬陰虛。而焦黑者屬虛火也。又有證具陽候。而舌上反無胎潤澤者。為惡候。若此證心胃有所閉塞者。與藥開達心胃。則舌上生胎也。為佳兆。又雖與藥制之。熱愈熾。胎不更生者。為不治之證。又服藥後。舌胎一去。其色不和者。有宜石膏者。有宜附子者。有宜地黃者。當審別焉。要之舌與脉者。陰陽

虛實之所判。不可不細精。故吾門加四珍以腹舌。而論定病因虛實也。世醫不知之。執腹證舍脉舌。可謂疎漏矣。拙軒曰。寬政年間。水戸土田恕庵著舌胎圖說一卷。據張路玉舌鑑等。附以已所見。頗為詳明。可謂得東郭翁之心者。

舌上不論黃白。帶光滑而乾燥者。附子所宜也。其紅色者。益為附子的證矣。

病人舌上白胎。其下含紫黑色。如牛舌者。為惡候。此舌候兼面戴陽。則更為危矣。

按舌候大概諸病無異。故疫痘皆同診。但至結毒則具一種舌色。不可不辨。白胎中帶黯色者。及舌下赤色中成皺文者。又紫色如牛

舌者皆屬結毒也。

崎魯德見茂四郎者。絲割符年寄患鼻淵三年。諸醫以為

肺虛。百治無寸効。診之。兩鼻流濁涕。如簷滴。脉弦緊。

腹拘急。予曰。此係肝火熏灼肺部。上下氣隔塞之所

為。世醫不知之。漫認為肺病。或誤為風邪侵肺。徒用

辛蕘白芷之類。宜乎不得其治也。乃與四逆散加吳

茱萸牡蠣。服之半月許。病洒然愈。盖此等病。宜詳其

脉腹而處方。不必四逆散也。

凡病人胸膈不開。則心下不寬。故欲制心下者。先治

其胸膈。是醫家一大緊要。竊比之於淨土門一枚誓

詞。一婦產後經二旬卒嘔吐數日不止左脇下衝逆痛劇與吳茱萸湯洋參用忽安。

產後腰膝痿弱者多係癥癖所為。蓋其初妊時患水腫或脚氣至產後氣急者與對證藥前證愈後當詳腹診治癥癖。此證最要灸灸。若施湯液及灸灸。癥癖為之壓不差者與桂枝加朮附湯。麻黃附子細辛湯。而二三日或四五日之間以紫圓下之則愈。此即先師東洞翁獨得之妙。而余則因其證與四逆散理氣湯十全太補湯等。時時以紫圓下之。每得効。

紫圓以蕩滌胸膈為主。故發狂上炎甚者及產後痿弱。心膈氣不能下降者皆用之効。昔東洞先生曾以此方治龜胸龜背。即此旨矣。

目疾屬內障者。艾灸最効。而專門者忌之。為可笑。其他如黃風雀目。肝虛雀目。不知其辨。動誤治。蓋黃風者。白睛中生細皴。發黃色。用滋陰明目湯八味丸單楊杞朮等効。肝虛者。烏睛白睛如常。但覺昏暗。故為難治。

松原一閑齋者。吉益東洞山脇東洋師友也。本為若狹侯臣。嘗治龜胸龜背及痿躄病沈痼者。用起廢丸。

其方大黃生漆二味。研末為丸。未乾時。服一錢。或二錢。服後大熱。發赤疹為知。而因證與他藥則全愈。一閑齋門人橋誥順治。治一婦人頭髮發火。每梳之覺火氣。至夜即見光。與三黃加石膏湯痊。予親見一婦歸家衣裏有爆響。投之於暗處皆見火。此皆肝火之所為。不足恠矣。拙軒曰。明郎瑛七種類稿。卷六有芳洲雜言。按人髮。貓皮。暗中以手拂之。常見燈光。且聞爆響。西洋人以為電氣發出。驗之。常見火之所為也。醫賸云。先考藍溪公所識。一貴婦。每暗中更衣。火星爆出。同婦女櫛髮於暗中。及貓兒背毛逆摩出擊而發光者。非真火也。

十棗湯證有下痢者。因上迫勢甚。而熱下陷為利也。

故與脫利其趣迥異。如柴胡瀉心下痢亦然。

痘序下利。與傷寒合病下利同。但及十餘日者。與少

陰下利同轍。正為惡候。

大津小野又三郎者。患天行。發吃逆五六日。微利。其

脉變幻無測。衆醫以為脫候。皆辭去。予診視半日許。

謂旁人曰。此脉非惡候。即肝火亢盛之所為。因四逆

散加地黃古金汁服之。脉頓定。諸證隨痊。

便毒無膿潰勢。將消散者。內托劑更無效。與三物楸

葉湯。若不起發者。加附子。服之無效者。概因疝瘕為

之妨害。與四逆散加附子奇效。若終始無膿潰勢者。

與芎黃散加蕎麥可下之。
小兒胎毒係先天。而世醫不知之。或言分娩時誤飲瘀血。為可笑。凡診其毒。先以指頭按肋下。必有凝結。而因其緩急。可察毒之輕重。又面色灰白。或暗黑。或過光澤。皆屬胎毒也。若受父母徽毒者。最為難治。其人平生一手脉不應者。偶有之。固無害。若四十以後。一手脉暴絕者。為惡候。此證多房者多有之。宜詳。大腹痛。服建中湯無效者。認水分動氣。與莎芋湯則愈。又左脇下逆搶痛甚。與諸藥無效者。有水分動則與地黃劑效。

水分動有三道。屬肝腎虛火者。為地黃薯蕷牡丹皮之所宜。其動在表。汎應者。為茯苓之所主。其動無根蒂。臍中齊鼓激者。所謂腎間動。屬不治也。

京師書肆梅村氏曰。江戸千鍾房有治積氣血奇方。名順氣散。即四物湯香附子等分研末者。予以為此方有理。因製莎芋湯屢驗。

一男子年二十四。得病五年。右膝腫起如別束。筋肉不能行步。其狀稍類鶴膝風。而診其腹。右臍下拘急最甚。按之右足攣痛甚。其性急不能堪物。予以為肝癖固結之所為。即與大黃附子加甘草湯數日。癖塊

發動病稍緩。因與四逆散加良姜牡蠣小連翹全愈。此證世醫不知徒為脚疾。用葳靈仙杜仲牛膝。宜矣。不得其治也。當詳其腹候而治之。此即余積年粉骨碎身之所得。殆為醫家之新手段矣。拙軒曰。此治驗。讀心為。

發癩人事不省。藥汁不下者。宜艾灸。最要大壯。不徹者晝夜灸。至七日為度。傷寒發癩者。亦宜此法。大灸至癩差。則邪亦隨解。此理醫經所不闡。故世醫恐熱忌灸可笑矣。寶材曰。醫之治病。用灸如飯需新。今日世俗用灸。不過三五壯。殊不知去小疾則愈。又命根則難。故銅人針灸圖經云。凡大病宜灸臍下五

百壯。補接真氣。即此法也。彼此同見。可謂海外子雲矣。

平素有疝瘕者。得大病其塊忽移處者。甚為惡候。

老人卒昏倒。脉見弦緊革等者。為惡候。如支飲亦然。

其面戴陽者。尤為凶。溫公詩話云。平時充實而光澤。是如草木將枯。精華頓發。而生雀錫司命者。不可不知矣。

稟質強盛者。偶損下元。虛火上炎。加之以疫邪。醫誤

為實。與大柴胡湯。一下忽脫者。有焉。余故曰。視色不

以目。聽聲不以耳。

咳嗽有自心肺者。有自胃中者。不辨之。則治方無効。

腹痛諸藥無効者。香蘇散加青皮姜煎奇中。妊娠大

腹痛者尤佳。征韓役先哲既發明之。而世醫贖贖實為可憫。患瘵疾者。襟際肉先脫。與他病羸瘦不同。宜熟察。軒抽

曰。此診瘵疾一大候。揭出示學者。可謂深切。按蘇前傳。屍論云。此病若脊脊肉消。及兩臂飽肉消盡。曾前髓不出。入即難療也。靈樞五變篇云。臂薄者其髓不滿。故善病寒熱也。東郭說蓋有所原焉。

久患癩癖者。差後其性躁者為惡候。

遺精白濁屬疝者多。概不可為虛。如強中病亦然。

下血有下焦濕熱而虛者。宜茵陳四苓加附子。屬腸

胃實火者。宜三黃湯。腸風下血。腸胃中畜水飲者。宜

四君子湯加黃芪白扁豆。胃中及下焦虛寒者。宜真

武湯。如痔下血。亦可因此法通治。

甘草粉蜜湯治澼囊病痛甚者效。

傷寒以大柴胡湯或柴胡加芒硝湯下之。熱除後。肝

氣大動。讖言妄語如狂者。與竹茹溫膽湯則安。世醫

不知之。妄下誤治者多矣。

瘰癧成勞者。與痔漏成勞者。其理全同。但有上下分

耳。拙軒曰。不止瘰癧痔漏。凡瘡口不收。膿水多出者。皆成勞。血液虧乏故也。

妊娠熱鬱甚則多墮胎。麻疹疫毒最然。此因腸胃熱

甚熏蒸子宮。故用大黃芒硝無所嫌。巴豆亦時可用。

所謂有故無損也。但疫毒行下奪有機。不可忽諸。

兩脇凝結者。直灸章門則易激動。因先灸風市。則反

奏效也。凡灸艾易激者。可善解此理。病在上者。先灸足漸及腰。則上部寬不激動。因灸其部分。則奏全效也。是與大柴胡湯證候而阻其藥者。及與理氣湯利其氣。而後事疎通則不激同理。灸藥之於疾病。豈有二致哉。

妊娠下部有水氣。至產後不差。惡露不下。氣息促迫者。先利其水則惡露亦通。

治發狂。用瀉心湯紫圓者。專取諸快利胸膈也。東洞先生治龜胸龜背以紫圓者。恐不過此意。產後脚膝痿弱與紫圓者。亦疏通胸膈氣以下達也。

癥癖衝逆心下及脇下者。其所衝之眼。必為邪視。又有因癖之左右。而自異大小者。

妊娠嘔吐不止。水分動甚者。小半夏加茯苓湯粳米

薯蕷生芋竒中。若中氣虛極者。香砂六君子湯加粳

米。各咬咀為炒黑。別入洋參一分。水煎少少服之。効。

暴吐血不止。或暈絕者。灸鳩尾穴數百壯竒効。失血甚者。

最要接續元氣。不可畏其炎燄。專尚寒涼。逐漸消伐其元氣。

小兒吐乳不止者。對證方中加精品麝香皮効。大人嘔吐

諸藥無効者。麝香桂心二味為末。調服効。

馬脾風麻疹丹毒三種。治法略同。而有馬脾風異治

四十三

者。如無價散是也。此說太似粗。而細味之。有理。精於治療者自知之。

余嘗讀先生所著傷寒論正文解。深知其識見超衆於古人。又讀導水鎖言養嬰鎖言。大見其治術入神品。特如方意解。穿鑿臆斷。或戾古人立方之意。蓋方論創於成無己。而吳昆李中梓柯琴汪昂諸家。各有發明。然或有擇焉未精。語焉未詳者。方意之難解。振古而然。豈止此書哉。拙軒曰。方意解一書極難辨矣。要之一家言。僕亦不能信焉。

荻野台州

享和寬政之間。有以醫鳴於京雒者二人。其一為和田東郭。其二為荻野台州。台州加賀人。學醫於越前奧村良箴。後遊於崎陽。受唱蘭術於譯官某氏。業成懸壺於京師。最以治瘟疫著。當時四方之嬰沉痾痼疾者。不踵乎和田氏之門。則湊於荻野氏之堂。是以二氏治術超越於時輩。獨得精詣。悉出於實驗。為臨證處方之助。豈為不可哉。余乃就其門生所筆荻野家口訣者。編纂以作醫話。如其識見。則有台州園叢書數種。宜就看而已。

溫疫小便閉。煩躁或昏冒者不治。若陰證小便閉。少腹凝結。按之不痛者。或小便數急淋瀝者。俱與加減真武湯。後兼用辰砂六一散。小便得節度則治。按加減

武湯說見溫疫餘編。

溫疫陰證。雖不大便十日以上。不燥結者。不可妄與大黃。

溫疫舌心乾燥者。胃中有熱也。舌本乾燥者。下焦津液枯竭也。舌上白胎如着糊者。少陰虛火交蒸也。白胎如鷺口瘡者亦然。

溫疫舌兩端有白胎。中央胎已脫者。及舌上潤滑如

朱者。是邪熱陷于少陰也。可直與生地黄。若用附子則倍加甘草。

溫疫熱將解。小便頻數者。熱從小便去也。又有移熱於膀胱而頻通者。但熱將解者。其色以漸清也。

溫疫下血。疲勞甚者。宜參附養榮湯。

疫後健忘者。宜安神益志湯。

一老人患直中溫疫。頭痛如割。煩躁須臾不能卧。手足微冷。脉沉而數疾。與冷香飲子三貼。頭痛半減。仍服前方四五日全愈。

直中溫疫。頭痛如裂者。腎厥之邪。直逼于太陽經。故

項背亦強也。一男子患此證，無熱頭痛如裂。一老醫認爲陽證，與大承氣湯無效。更與柴胡清燥湯，遂不起。豈不浩歎哉。按台州潛心於吳氏於達厚逐邪之劑莫所不試而陰疫治法亦發吳氏未言之秘可謂吳氏之忠臣矣。

膈噎者，以蓄血痰飲脾腎虛三者爲因。因于痰者，飲食專噎於咽喉也。附子理中湯旋覆代赭石湯二陳湯類，加松寄生用之。且灸身柱爲佳。因于蓄血者，飲食專噎於胸中。且以右肋骨下有塊爲標的也。以溫脾湯送下烏神散。或二方更服亦可。因于脾腎之虛者，飲食下胸中必覺摩痛。或食一納口，則吐白沫數

口也。先灸氣海。次與松寄生油。又宜服炙猪肉煮汁。若得食其肉者益妙。此證最屬不治。婦人之嘔多屬蓄血，亦不可不知焉。

鼓脹自心下漸及於大腹者實也。宜生姜瀉心湯大半夏湯。自中焦膨脹者宜溫胃湯類。自下焦脹起者宜壯原湯加木鱉子。此病以手鼓腹爲鼓者虛也。屬不治。是爲虛實之辨矣。血蠱者自少腹脹起者也。先與生姜瀉心湯。則其塊徐徐消。然非長服無效。盖有血塊必停水凝結。其塊益爲大。故先利其水而後治血分則其効捷矣。或副用鱉甲丸亦一策。

脚氣一證。以檳榔為套藥。大概宜檳蘇散加木瓜。衝心者。以童便服檳榔末。或紫雪五分。以童便灌下。此證多屬不治。

熱毒脚氣者。以或有腹熱。或其人自煩熱。或灸之不堪熱。為其徵。凡灸之不堪其熱者。多為衝心候。若脉數者益危。不可忽諸。若脉緩者無衝心之患。乾脚氣證。灸之不甚痛者無害。雖脉數亦可灸。

每年夏秋之際。患脚氣者。宜腎氣丸料風引湯。恐謂外臺

唐風引湯。非金匱方也。類其人寒時預服腎氣丸料。則至翌年

不再發。

脚氣麻痺及於口唇者。其毒深也。積年患之者固無論矣。

脚氣煩躁者。宜粒甲丸。

風濕脚氣者。以疼痛為辨。疼痛者必不衝心。若將衝心者。宜唐侍中一方。但痛輕者。宜六物附子湯。

雲州侯松江主患脚氣腫滿。侍醫與以鯉魚湯。雖小便

頗利。其痛不可堪。因請診。為風毒脚氣。服杜仲湯。痛頓減。而小便日短少。其色漸赤濁。衆以擬議。仍連進

前方。其病遂愈。

凡水腫與鯉魚湯者。以腹大滿為主。若不腹滿者無

効。小林大陵

京師醫師

鯉魚湯合蘇子降氣湯亦効。

鯉魚水

病頗効。然脾胃不和。便滑嘔惡者不可食。按范汪方有醋煮法。則為斬和醋食當佳。

凡治水腫。導水茯苓湯以心下悸為主。若心下專有

水氣者。宜實脾飲。其他木防已湯六物附子湯類。可

隨證而選用。

水腫證。有小便雖不多通。腫氣減者。蓋水之所湊。氣

亦湊。氣一散。水亦減也。若內陷者。其氣不振。故水不

能流。以陷于裏也。欲振其氣者。宜真武湯壯原湯類。其

人自陰莖陰囊腫者。亦虛腫也。宜腎氣丸。

妊娠水腫。隨胎氣長而甚者。胎壓水道也。分娩則愈。

可知矣。

古林見宜。療紀州熊野山中農夫水腫。服藥良久無

効。因加青芋於方中。又以之為朝夕餐。而病愈。蓋其

人生於山中。以此物為常食。而偶出於浪華。請藥於

衆醫。禁忌亦隨嚴。故脾胃失常度。藥力不能達。是以

施方宜之術也。

咽喉痛。頰腫及嘔噦者。小柴胡湯連堯各等分。服之

効。

水氣不論新久。欲持脉不能遽舉手。或欲按足跗。不

能伸脚而微喘者。死證也。腫氣一旦減。乍復者。亦不

能伸脚而微喘者。死證也。腫氣一旦減。乍復者。亦不

治。

淋疾與五淋平胃瀉肝諸湯。莖中澀痛甚者。補中益氣湯加蒲黃。大五靈脂金銀花効。按內注下疳。遠年不愈者。與此湯亦效。

常誨初學。用零紙書。古人醫按。各處其方。以得其當為上等。

凡方證雖相對。分量有過不及。則不能奏効。故葛可久損傷病。論大黃多少至密矣。况如中氣卒厥之於人參。陰虛之於龜板。其多少不可不最密矣。友松治腫脹。用補氣養血湯。十愈七八。盖此方不用

子癰者。與芍藥甘草湯加乾姜。副用童便可也。盖產前子癰與產後瘕無異。故又宜甘草乾姜湯。婦人良方交加散。亦治柔瘕。產後之瘕病。與豆淋酒者。以酒氣緩筋脉也。此等法不可拘產後。可亦治雜病之瘕矣。

痛風以發表為先務。宜越婢加朮附子湯。最後與下劑為佳。宜神祐丸。此證不泄。下水毒則無全効。痛風者。與禹攻散無效。不如神祐之捷。

嘔吐證。與諸止嘔藥不應者。官參一味。五分濃煎。以水二合。煮去滓。伏龍肝末少許。取其澄汁服之。

吐唾不止。用安虵藥無效者。屬素問所謂腎液。宜腎氣丸。又有屬胃上寒飲者。仲景曰。喜唾久不了了者。理中丸主之是也。

胸痛證。有痰飲。有畜血。痰痛多在左。血痛多在右。屬痰者。清濕化痰湯。枳實薤白桂枝湯。控涎丹類。選用之。屬蓄血者。宜與大柴胡湯。龍膽湯。烏神散等。若妄投破血劑。則吐血。不可不知。

真心痛者。飲麻油為佳。凡病屬心藏者。多不治。

霍亂多係于胃中停滯。故盛暑時。減飲食則無其患。小兒中暑霍亂。尤自飲食發。饅頭類不可食。乳哺者。

患之少。其因飲食可知矣。熱甚危急者。宜與竹葉石膏湯。白虎湯。乾霍亂者。宜大承氣湯。不可妄與瓜蒂散。調理當用附子理中。加桂補中益氣。加附子類。瘡疾用達原飲。加柴胡。其他九味清脾飲類。伍草菓者。最可也。陰瘡別無治方。用達原飲類。迨病發於晝間。宜截之。

左乳上痛而欬者。肺癰也。初起者。宜四味薏苡人湯。甘草乾姜湯類。其人無故臍中腐爛出水者。屬脾胃濕熱。與平胃散加大黃。以赤烏散或奇良末。貼臍中為佳。

眩暈有二道。因水飲昏倒者。宜苓桂朮甘湯奔氣湯。加茯苓類。蓋奔氣湯加茯苓主降下。更加附子。推下之力反優。因氣虛眩冒者。宜補中益氣湯加附子。心下有留飲痞鞭者。生姜瀉心湯主之。不痞鞭者。宜茯苓飲五苓散類。若留飲腹中有動氣。或腎虛。其氣上衝者。宜桂枝龍骨甘草牡蠣加茯苓湯。癩癩者亦用此方。別有口訣不贅焉。

血淋者。宜龍膽瀉肝湯八正散類。膿淋宜萹蓄湯。石淋宜透泉散。又以琥珀油塗導尿管。插入之於莖中。則石從墜。冷淋者宜生附散。小便已惡寒者。此方最

効。雞卵製芎黃散亦治此證。

大便閉。用雞卵製芎黃散奇效。其方鷄子去白止黃。以芎黃散和其中鍊。將包濕紙埋之於熱灰中。以灰冷為度。取出去殼研末。白湯送下。

其人當右肋下有塊者。必吐血。婦人經水不利而吐血者。屬逆經。其血必黑。宜大柴胡湯三黃瀉心湯類。自肝藏發者屬蓄血。其血亦黑。并用前方。自肺藏發者鮮血也。其血雖一滴難治。先與加味百合地黄湯。犀角地黄湯類。為是。酒客吐血屬胃中蓄血。宜三黃瀉心湯。若不止者屬脾血。宜理中湯。蓋下血久則脾

衰。失裏血之職。自然止也。獨步散能治吐血下血。而屬鮮血者無效。下血者宜食海魚。不可食河魚。獨按

步散。乾柿一味。為霜服。

痢疾初起。以發表為緊要。若將成禁口痢者。早可大下之。宜大柴胡加芒硝湯。禁口藥汁難下者。噉以生蘿蔔汁。則得能下也。冷痢者。多屬瀉心湯補中加大黃湯證。而附子之所治。亦往往有之。

欬嗽屬陰者難治。橫卧則發效。仰卧則不效者。水飲所為也。宜神祐丸。子嗽者。因胎氣生長。水停心下。而為效也。宜當歸芍藥散。

泄瀉無異證者。宜胃苓湯補中湯類。又有養胃湯霍香正氣散真武湯所宜。若食即更衣者。屬脾虛也。輕者宜補中湯。重者宜補中益氣湯。久瀉者可理中焦。宜附子理中湯加赤石脂。或阿芙蓉丸。泄瀉證多因不能泌別水穀。故宜分利水與糟粕。論云。下利不止。當利其小便是也。利小便宜春澤湯加附子。屬中焦者宜補中湯。或生姜瀉心湯。泄瀉愈後。脉遲細而弱。至夜半或黎明而瀉者。此命門真陽不足也。宜七成湯。或參苓白朮散主之。又有屬實者。宜大黃丸類。饋雜者。水氣挾火也。宜三黃瀉心湯。生姜瀉心湯。但

心下不痞者無效。按心下不痞而嘈雜者宜旋覆花湯。又吳茱萸一味煎服可也。古今醫統云。嘈雜之為證也。俟爾腹中如火發。腔內空空若無一物。似辣非辣。似饑非饑。似痛不痛。而有懊懣不自寧之狀。得食暫止者。是也。可謂說盡嘈證矣。

黃胖或以為感糞土氣。亦非無理。何則此病中人以上患之者絕無。中人以下往往患之也。宜皂礬丸。又

男子脫血後。或女子薄血作此狀者。宜四味補血湯。非皂礬之所治也。按因食糞發黃者。本草圖經秦苑鼠黃亦作黃。識病捷法云。鼠盜集驗方云。夜食誤食遺糞在內。人不揀擇。誤食則生黃疸是也。

風毒腫多壯年者。老人甚少。兩脚雖紅腫。不能自潰。先可發散。宜一劑散。後可下之。宜禹功散。治法大抵

同於痛風。

病人有呼吸乍失。調度乍復者。不出五六日死。經曰。呼氣出於心肺。吸氣入於肝腎。其失調度者。呼氣不能歸腎。上越於肝也。

心中時煩。唇紅發作有時。時嘔惡聞食臭。顴骨紅者。屬蛇蟲。理中安蛇湯加甘草附子。

及胃者斷穀食。但飲白米飲。與理中大半溫脾諸湯為佳。又有因水氣發此證者。必心下悸。宜生姜瀉心

湯。按此證亦減飲。余聞台州有減飲論。未見。蓋減飲事詳見東坡集與孫運司書。可參考焉。穿踝疽。不辨足內外腫痛者。宜杜中湯加蝮蛇。病重

者副用禹攻散。
解顱漸長大者。頭骨開壓額前肉也。當施繃帶。初起者宜六味丸加鹿茸。此方能治解顱五遲二證。蓋本諸薛己之說。

蓐勞初起。宜當歸建中湯。按千金內補建中湯主治可考。

婦人肩背強急者。以坐藥導帶下則愈。若心下痞者。

宜生姜瀉心湯。按婦人肩背強急者。多係痰癖之所為。延年半夏湯最效。

喘息急者。半夏為末。和生姜汁如麴。服之甚效。

津液虛燥。不大便而窘迫者。下焦氣脫也。當升提其

氣。宜補中益氣湯。若不窘迫者。宜六成湯。蓋以補中

益氣湯無腹力。六成湯有腹力為辨。若六成湯證而無力者。宜加鹿茸。

竹葉除胸中煩熱。竹筍主豁痰。所治各異。胃中煩悶

者。梔子之所主。自心下及胸中者。黃連之所主。亦各有專長。

小兒夜啼。宜安蟲散。按安蟲散治蟲動心痛。又小兒

子去實。霍蟲各三錢。白粉一錢五分。鐵器內火熬。砧杵共五味為末。每服一字。大者半錢。溫米飲服。

酒查鼻嚴禁酒。時時以三稜針刺去血。可與辛荑清

肺飲。

腦漏者。腦中釀熱以出瘀涕也。古人以為腦移肺熱

誤矣。其初流黃汁，後變白濁，甚者溢于咽，且鼻中點滴連綿不止。其狀雖似清涕，以紙拭之，乾則發黃色也。宜腦漏一方，又似此證而鼻塞者，息肉也。其初生鼻中，漸逼鼻口，其色初白，次變桃花色，又一等甚者，色如李實熟，此證雖相似，以鼻塞與不塞為辨。鼻息治方見於方鈴，又以瓜蒂末貼紙，燃條插入息肉上，則黃汁出而愈。

丹後宮津侯。

松平伯
著守。

平素無他病，鼻常流清涕不止。

余以為肺寒所為，以大棗煎汁服，皂莢丸，灸大椎第一間身柱，七日而愈。

癩瘡屬表證，宜發表。楊梅一劑散加反鼻主之。其初與遺糧五寶丹等者，甚非也。疔瘡世貼膏亦非良策。

但傳竒良末佳。

按楊梅一劑散方
見于外科大成。

疔瘡發陰莖表者，為太陽經證，楊梅一劑散主之。發橫面者，為少陽經證，惡候也。莖頭下直筋不破潰為要。若破潰則其毒忽上於咽喉及鼻梁也。燭淚疔亦宜一劑散，兼用結毒紫金丹。

婦人妊娠十指麻木者，係血熱所為，此證夏月尤多。輕者不及藥，分娩則愈。重者與紫苓四物湯。婦人多屬帶下毒者，不可不諦。

奔豚氣屬虛。支飲屬實。其證相似而其治迥異。可不精診哉。

水勢盛于外者。衛氣之衰也。宜黃芪類。

梅核氣與半夏厚朴湯為法。然厚朴無真品。姑與生

姜瀉心湯可也。

杜仲湯能治脚攣。急在右者。而不能治在左者也。

診病人。宜察眼中之了。不了與音聲之爽不爽。此二

者清亮則不死。

勞瘵與虛勞易混。虛勞之熱。浮泛無根據。勞瘵之熱

熇熇熏骨。而眼中甚瞭。不如虛勞之目中不了了也。

四花患門亦治勞瘵。而不能治虛勞。又婦人虛勞者。經水早絕。屬血瘦也。勞瘵者有至病未絕者。乃知二病自異也。

暴得痿病。腰足兩股皆不仁。臂而不能步。脉滑而力者。先與瓜蒂散吐之。後以朮附劑逐水則速愈。

雀目當審腹候。若少陽經拘急者。宜抑肝散類。若因脾胃鬱熱者。宜平胃散加大黃。或黃連。又用鷄肝亦佳。

積年發小瘡。痒不可忍者。可與楊梅一劑散。加蝮蛇多量。外以西河柳煎汁浴之。此方亦治癬瘡。

血燥皮膚為癢。及風熱瘡疥為癢痛者。宜當歸飲子。凡一劑散證帶血熱者。非此方不能治。

漏風當背七八九椎際惡寒者。屬氣虛。宜補中益氣湯加附子。又覺手足爪間有風者。亦屬漏風一種。宜

補中益氣湯類。

噦逆因胃寒者。宜丁香柿蒂湯。兼用龍眼皮為佳。因痰飲者。宜橘皮枳實生姜湯。

肺痿吐涎沫者。與甘草乾姜湯。兼用皂莢丸。

鼻僻者多發中風。欲防中風者。宜灸章門穴。

中風證。氣之所虛。痰必湊之。故以順氣導痰為治法。

又中風未發時。頭痛者。腎氣厥逆也。為不治。

病人服甘遂大戟桃花大黃類。不下利。反腹脹滿者。

當和胃氣。宜甘草乾姜湯加芍藥類。

帶下之塊。多在卵門下。斥卵巢耶。按之則如綿裹。覺溫爽

也。又婦人脚痛。屬帶下者。十有八九。可詳。

陰濕者。由穀氣下流。宜減飲食。徐服葶藶湯類。若其

證輕者。地黃枯礬等分為末。和生姜汁貼之。可也。

某侯一日垂釣於水濱。時有溺者。自上流來。侯深憫之。命救之。幾死。使侍醫將一角末。以管嚙鼻。須臾吐水數升。遂蘇。台州園有雉鷄。誤陷于井中。飲水數口。

扶之出殆絕。急將一角末五分。和水服之。須臾吐水。霍然全。乃知一角能解水毒也。

血證脉弦數者。有不測之變。可恐矣。

下利兼脚氣者。難治。以下焦虛故也。其他下部有舊疾。而併脚氣者。不可不慮。

癩癩有因蓄血者。當卒倒吐涎沫時。必咯血。乃可去其蓄血。一婦人有此證。新產後霍然愈。乃蓄血盡故也。

喉癰間有屬胃熱者。宜涼膈散類。

腸癰看法。往來寒熱者屬右厥陰。無寒熱者屬左陽

明。是為左右別。又一種有二便共閉者。為小腸癰。詳于外科大成。夫病在大腸則大便閉。在小腸則小便閉。在中央則二便共閉。理當然。而小大腸癰多在右。其在中央者。形如便塊。或與小便閉易混。學者宜於活物上而活看耳。治方不拘三癰。宜選用如神湯四味薏苡人湯。大黃牡丹皮湯。又有陰證者。當行附子也。若與下湯仍不通者。癰發於腸中。妨塞便道也。又便腸垢者。宜四味薏苡人湯加大黃。最初宜如神加大黃湯。一等重者為大黃牡丹湯也。

喉痺發於淺處宜針。若其腫深者。可吹入礬蚕。喉痺
宜玄參升麻或清咽利膈湯。副用水礬散。纏喉風即
有一方主之。按一方未詳余與以驅風
解毒湯加桔梗石膏捷効。
血虛腫氣似黃胖。其腫雖及右肘上。不及左者。專在
血分而不在氣分也。古人以左右分氣。可謂不誣矣。
肺癰其初痛陰陰。咳則引胃中。而其痛多在左。治宜
在始萌。若至其吐膿如米粥。則百可治一二耳。
痘發熱後不見點。通身腫滿而死者。是表伏之證也。
名曰肉脹。治方早與反鼻劑可發表。
齒痛宜當歸建中湯者。外以黑砂糖擦痛處則捷効。

黑砂糖亦貼陰囊癩風。并牛皮癬不堪癢者。立應。
口腫有牙宣與胃熱之辨。牙宣者上齒或下齒。必發
於一方。而後波及上下。如胃熱則否。且雖兩證同出。
膿血。牙宣者膿多。胃熱者少。是為其別。牙宣宜滋陰
降火湯。胃熱宜清胃加生芩類。骨槽風自胃熱來者。
宜楊梅一劑散。
婦人妊娠。七月以上。當與當歸芍藥散逐水理血。否
則分娩後多患下利也。又產後下利者。多因腸胃為
胎壓制者。一時得舒暢。而水氣下奔也。不如乘其勢
與生姜瀉心湯。以盡水氣也。

產後咳嗽。多水浸肺之所爲。其治與下利畧同。
痛風者。風熱入骨節也。可發汗。宜麻黃湯。桂枝芍藥
知母湯亦主之。表證罷。當以禹功散下之。
三井某年二十有餘。腹中拘急。大便鞭。飲食如常。但
欲眠不能眠。來請診。診曰。子不能眠者。非心氣之所
爲。其病在胃中。經曰。胃不和則卧不安是也。乃與桂
枝加芍藥大黃湯。一劑而知。九劑而愈。
婦人積年有水塊。痛不解。或吐痰液如淡黑色者。或
如赤豆滓者。宜溫脾湯。副用應丸。若有蓄血者。右脉
閉塞。莫恠是血壓經也。又不論何病。右脉閉塞者。脾

胃衰也。不可不知。

因蓄血。腹大脹滿者。與血蟲異。其證發作有時。或至
夜而脹。至旦則減之類。與桂枝茯苓丸料効。

小兒卒下利發搐。搦死者。所謂真中也。先與附子理
中湯。余數年雖欲單志焦神救活之。未得其肯綮。
吐乳者。專用治吐乳一方。此證漸劇。搖頭者。不治。
急驚風者。宜桂枝甘草龍骨牡蠣湯。慢驚風。因攻擊
發者。尤屬虛。可禁針。宜甘草乾姜或芍藥甘草湯。抱
龍丸。幼幼集成用靈砂亦効。

諸病拘急者。屬閉證。倉卒勿錯置。必有開期。縱使至

死。一旦解而斃。崩漏輕者宜當歸煎。重者理中湯。其最劇者加附子。兼餌食牛肉更佳。芽兒衄血且鼻塞者。皆屬胎毒。宜五香加大黃湯。又育不育之辨。大抵俟五十日判然。詳於千金方。風水腫自面來。經曰。面腫者風。足頭腫者曰水。是也。諸瘡翻花者。因榮衛衰也。宜黃芪劑。又痔疾翻花者。胃氣下陷也。宜升提劑。痧病或以為左傳所謂蠱。又云蟲名。沙工吐沙。人中

之南來。故名痧。猶痘自北虜來。因名虜瘡。疖瘡自廣東來。因名廣瘡也。不可深拘焉。濕痺但痺而無痛。其初痿弱。後發拘急也。病在表者當發汗。手足屈而不可伸者。宜四物湯加犀角桂枝。一婦人年四十餘。左足腫膝大而痛。不能步行者。有年於茲。來請診。余診曰。此證似鶴膝風而非也。鶴膝者。膝腫大而膝已下必瘦。今不瘦者是帶下所使。而其病在表。可發汗。乃與楊梅一劑散。痛漸止。更逐帶下毒而全愈。藏毒者。五藏鬱熱流注之所致也。其形狀與痔漏類

難辨識。然痔發於肛之左右。而不關任督之脉。藏毒發於任督之脉。而不關肛之左右。是為別也。藏毒破血不止者。宜補血湯加乾姜附子。兼用獨參湯。風懿。舌根如痿。言語不了然者。蓋中風之類也。又有痰迷心竅。舌強而語言不如意者。甚相似。然風懿者屬陰。多不治。痰迷者屬陽。多治。其痿者與強者。其治自別也。

肝瘍古來無明辨。此證肝藏中生瘍。後見腹中。故不治。其初當脊之右肝藏之裏而發者。或可治。宜透膿散。此病與流注易混。世醫動以肝瘍為流注誤矣。蓋

肝瘍比流注甚少也。

驚瘕在右肋下而胃。按之則堅不痛。是屬飲癖。不早治。則後必至脹滿不可治。用白馬溺為妙。

肺痛證。張氏醫通特論之。初起當中府雲門而痛。後或吐血而死。為難治。其初輕者。宜沉香降氣湯類。稍重者。宜補中益氣湯合生脉散。

肺癰痛而咳。肺痿咳而不痛。肺痛不咳而痛。肺癰痛在一陽者可治。在二陽者難治。按末二句難解。姑書俟考。

懸癰生於會陰之側。多由濕毒。藏毒生於會陰真中。陰毒腫自會陰上。斜向肛門之傍。膿潰如刀割狀。三者

相似而異。懸癰藏毒宜樸椒石榴皮之劑。陰毒宜內托劑。

凡病人右身有所患。則當為血分治之。是為血證者法。

鼻痔嗜瓜蒂。世之所知。濕家頭痛者。亦以瓜蒂末。點紙撚入鼻中。嚏出而愈。

小兒頭瘡為胎毒治之無効者。因母有帶下。哺其乳而發也。速換乳母則愈。婦人頭瘡亦有因帶下者。更

與八味帶下方。兼用坐藥則愈。按八味帶下者。係本朝製方。奇良當歸川芎茯苓橘皮金銀花通草大黃俱八味。

吐乳胃虛者。宜附子理中湯温脾湯類。若不愈者。與

本事方青金丹。按青金丹。治霍亂吐瀉不止。乃轉筋

二味。銚子內炒。柳木篦子不住攪勻。以柳枝蘸冷醋。頻頻洒。候如鐵色。法如青金塊。方成。下再研如粉。

神仙勞名始見董西園醫級。此書四部。船來。荻野。福

此病蓋因胃口蓄血而生。是以不食至數十年。蓄血能養胃氣。故不死。用藥亦非數年則無効。宜温胃湯。

後以禹神散攻之。按醫史丹溪翁傳。及垣赤道人吹影編論。似此證者。宜參考。

凡胃中陽氣盛則不傾。若胃陽虛則必側垂。水飲因乘之。名曰癰囊。然按之不應手。但以腹痛嘔吐為徵。

宜温脾湯。若不愈者。服白牛酪効。按時還讀我書。續錄云。荻野台州曰。

婦科醫言 卷之四 婦人經水不調 勿謂藥室

人。據此則辟囊兼蓄血。宜温脾湯。兼用血劑。失笑散。類。余嘗觀所吐物。知其兼血也。

腸覃在臍下子宮內。幾與胎相似。而經水將來。其痛

不可堪者。服白馬溺効。按用礞砂亦佳。後條可徵。

礞砂能治產後腹痛。

帶下者。其病從帶脉下流。故名帶下。盖其始水飲聚

於衝脉。傳於帶脉。以入于子宮。與血凝結為帶下也。

故與生姜瀉心湯去水飲。以坐藥去凝結則愈。凡用

坐藥有法。深入子宮。則其痛不可耐。若但在於陰口

則無効。正在陰中稍近于子宮處為妙。妊娠者三月

後不可施坐藥。固雖無害於胎。適脫胎則歸其咎於

此故也。按台州圍坐藥方。杏人甘草各三分。丁香一

分。枯礬六分。片腦五厘。右五味為竄。三日一

換之。

婦人淋疾。與露蜂房散有捷効。按露蜂房能釀乳。今與淋同其治妙。

崩漏與帶下同。因盖水血混淆則為帶下。不混淆則

為崩漏也。

肝氣厥逆為耳聾。耳聾者以瓜蒂散吐之。後與柴胡

清肝散類。若虛者先與清肝散。候其實可吐之。大率

百藥無効者。得一吐必愈。

帶下有成虛勞者。其初以寒熱往來也。夫帶下鬱則

乾。

乾。

乾。

乾。

乾。

乾。

乾。

乾。

乾。

乾。

乾。

乾。

生熱係少陽則成此證。子宮亦屬陰厥。故睡覺時唇舌乾燥也。

Blank page with vertical lines for text.

華岡青洲

青洲學識才力較之良山友松不無軒輊而專以精思攻苦踵事涉歷之故其治術多出人意表蓋青洲次諸彥之後熏陶之力固多加之治瘍之聲獨擅海內此其人與時為得宜也

夫欲善外科先宜精內科何則瘡瘍雖百端不能出於陰陽虛實苟審之而施之治法則於外科無有間然矣青洲內外泛應無不曲當由其脈證分辨處無不清晰更由其內外合一處無不貫徹也

學醫者如宋儒窮理不先格知人身道理而後審疾病則不能至極致矣抽軒曰青洲翁常誦醫唯在活物窮理之語以教誘後進洋學

未關之前。早着眼於此。故其截斷之術。窮洋人所未窮之理。翁之於瘍科。所謂斗南一人也。

失榮氣癭。委中毒三病。先哲以為難治。予亦未得其治。嘗視橋本驛工匠某。左頸下發如瘤者。因諭价者曰。此氣癭。恐數日後出血至死。果如其言。又視同病者。不過四五日。逆血而死。如委中毒。膝脛漸肉脫。骨尖黑蝕。惡汁出而死。世醫動謂治此病。審之時毒就足脛而漫腫者耳。

和州一婦人患失榮。瘡未翻肉。而口禁難飲食。試用五寶丹。腫稍減。口能食而遂死。又一人與猛升汞丹。大暝眩而病頗差。後再發至不起。

凡腫塊有動氣應手者。所謂動脈也。不可妄刺。誤之則逆血便死。

世所謂神仙勞者。與抑肝扶脾散。莪稜為主。兼服辰砂散。或左金丸。則愈。

肺部有毒者。必見數脈。不可忽。若微咳帶咽痛。或吐白沫。脈數者為瘵狀。遂至死。

畜血下利者。不可攻。攻之則反促死。宜諦其腹候及舌色。千金黃土湯。或黃連解毒湯主之。

傷寒汗出惡寒。近衣被則汗益多。去之則惡寒反甚。數日不差。與柴胡桂枝乾姜湯。桂枝加黃芪湯等。無

效。或讖語不食。終至危篤者。蓋有二道焉。一則內熱熾盛。津液溢表者。為越婢湯。一則表虛多汗者。為溫經益元湯。此證必古。上見白點。

一處。女年七八歲。兩脚痿弱不能立。右足心發水泡。其狀如火傷。刺之水出泡潰。而外生紅暈。按之微痛。經二日水泡及足跗浮腫。指頭色點黑。此痿弱更不能流通血氣。故為毒腫也。先與桂枝加朮附湯。時時以紫圓下之則愈。此即東洞先生衣鉢。東郭先生亦續其傳燈。

蝮蛇咬。內服烏頭湯及紫丸。外塗柿實汁則愈。石淋非生會陰者。多生在陰莖中。割斷去之。縫合貼

傷下脫活字

膏。內插鶴羽莖。補便道為妙。下脫活字之限又良。其手足創傷。絡噴血不止者。醫或縫裁其絡。而血益甚。是與刺委中尺澤時。縛其上際。則血愈出。其理同。小兒解顱初起者。急與葛根加朮附湯。兼以紫圓攻之。則效。其證已成者。攻之則促命也。紫圓能治上部毒。七寶丸能治下部毒。或以乾坤為二丸。各有理。

創家。眼中見黃色者。為脫血候。咽喉創。係氣道者。小則治。大則不能治。如食道創。雖稍大多活也。破傷濕治方。見證治準繩。然不如越婢加朮附虎杖

先哲醫言

卷一

六十六

勿言藥室

莖湯神効也。拙軒曰。虎杖根解凝結。虎杖莖治破傷濕灸火熱。見青洲醫談。

臟毒看法。先控肛門。穀道腐蝕為廣濶。下如赤豆汁。

其臭甚者。臟毒也。毒甚為翻肉者。多不治。

舌疳瘰之。可救十之八九。先割去其腐肉。用熏藥為

主。然腐蝕及齒齦者。不治。

癩癩。眼目緊縮者。瞳子散大者。俱不治。

乳漏久不愈者。始以祛毒膏為紐。後以長肉膏換之。

內服葛根加朮附湯。兼用端的丸。又毒凝結者。大黃

牡丹皮湯。伯州散選用。

腐骨疽。近胸腹及五臟者。不可納紐。紐之則反見脫

狀。

眼胞或脣吻生疙瘩者。向裏面取之為妙。

腫瘍見流注狀者。不論何因。與越婢加朮附湯而可。

此初起者。至日久者。不割破去膿。則無治法。

黃痺始萌。以三候為徵。曰眼中黃。曰心下痞。曰小便

黃是也。雖身色如故。有此三候。則為確矣。又痺愈。以

眼黃去為徵也。

喘息劇者。麻杏甘石湯。或麥門冬湯。方中加沒食子

效。蓋沒食子能祛胸中膠痰。而世醫知者鮮矣。拙軒曰。治

破傷濕以虎杖莖。治喘息以沒食子。皆翁之發明。亦窮理中之事。

痼疾與汞劑。以小量長服為要。譬之如夏天灌一壺水於地上。漠然無痕。以小酌屢注。則水自徹底焉。走馬疔。其毒甚猖獗。經日則爛齧腐骨。遂至死。若初起口臭出血時。早施治則尚可救。文化十年六月。一兒年八歲。患此證。其腐已及齒齦。齒脫三四枚。服以蘆薈消疔飲。兼以人中白散。不出旬日愈。齒再生矣。痘疹雖出于後世。其證之陰陽。治法之溫清。與癰疽無異。許叔微曰。能鑿傷寒。則能鑿痘疹。能鑿痘疹。則能鑿癰疽。悟入。道。異。而理同。名工。所見略相同。風眼破潰。出血不止者。犀角地黄湯兼三黃湯效。血

止而痛不止者。與通明湯。外施蒸藥則愈。
 婦人頭瘡久不愈。諸藥無效者。與桃核承氣湯。兼用桃花散則愈。塗桃人油亦可。
 冷痢誤用疎滌劑。白膿反甚者。與東井和中湯效。
 產後遺尿者。與參芪湯加附子效。蓋方中益智倍加

為妙。又一方。紅花洋參各一兩。右二味。剉。用。鷲。一羽。去。腸。納。之。於。腸。中。燒。存。性。溫。酒。送。下。
 甘草乾姜湯能治自汗盜汗。其理與承氣湯治陽明

自汗同。此湯又治胸脇偏痛。此皆毒迫于心胸所致也。世醫不知之。徒就汗與痛施藥。宜矣。不得其治。產後暴泄。與胃風湯速愈。若數十行後。心下痞滿者。

宜與生姜瀉心湯。或曰走馬疳疔之類或然。余視至其死者與疔無異。喘家以紫金丹攻之。則吐濁唾臭痰而愈。白散亦能吐痰。然彼專吐在肺管者。此專吐在肺府者。其部位自異。

解顛初崩。與葛根加朮附湯。時以紫圓攻之。則愈。若漸甚如斗大者不治。又小兒四肢痿弱者。用前方而愈。是其證異而其毒同也。若痿弱脊骨突起者。及左右證異如偏枯者。不能急愈。凡欲用麻沸散。先與半夏瀉心湯疏心下。而後不用

之則不能奏效。吐此法自與村叟脫化來。

夫欲與麻沸散。宜審其診。若血色不爽。胸中有滯痰宿水。或心下痞鞭者。不可與之。先治其證候。而後不施之。則誤人不鮮。又服麻沸散不瞑眩。則不可施術。誤施術則亦害人矣。

服麻沸散。瞳子散大。脉弦數者。是為瞑眩之候。發癩。角弓筋惕。氣急促迫。或叫呼者。與甘草乾薑湯効。

委中毒。初發寒熱甚。委中腫痛。後黑色腐壞。鍼之黑血出。無膿氣。膝蓋肉脫。死如天刑病然。其證固屬不

治。氣瘰氣癭。不可妄下手。反生害。治。初發必兩腮剛強。先與葛根湯。可鍼於合谷及髮際則治。若見脫候者。十全大補湯加荊芥附子。兼用豆淋酒加荊芥。然角弓反張甚。水藥不下咽者。及口開者不治。
傳云。瘰病握手者。刺合谷穴。其深一寸五分。或二寸。刺髮際以淺為佳。鐵鍼尤良。
 破傷風。其初項背強。或言語蹇澁。寒慄者可治。宜葛根湯續命湯類。無患子虎杖莖二味煎服亦效。若至角弓反張則多難治。產後瘰病亦同此法。

瘰病脉浮濡為吉。若浮數者必再發。
 一婦年五十餘。患舌疳。其形舌傍疳蝕為翻肉。而腐爛及于齒齦。乃以腐藥拔去其翻肉。服以黃連解毒湯。而外用熏藥者。凡百日餘。毒盡病全愈。
 行熏藥者。後不用下劑。則無全功。舌疳者。用紫圓。若由徽毒者。龍門丸主之。
 近世患真流注者甚少。今見流注狀者。身體必為瘡痕。與外科正宗所論大異。一人年二十餘。腋下漫腫。按之少痛。其狀似痞癰。而其左足有瘡痕。因為外因流注。與越婢加朮附湯。時時以紫圓下之愈。

留飲兼畜血者。非精腹候則難得其辨。
 鶴膝風或結毒。頑固難拔者。宜烏頭湯。桂枝加朮附
 湯等加角石。凡治毒難動者。為角石專長。
 微毒上攻。凝結頭項者。與桂枝湯加茯苓蒼朮烏頭
 細辛防風。兼用消毒丸。
 苓桂朮甘湯加附子。能治黃胖病。胸中有動氣者。為
 鐵粉蜀漆主治。
 癩疔施鍼刺。清水出者不膿潰。血水交出者必膿潰。
 膿潰者反易治。
 腸痔血出者實證也。水血交出者虛證也。

乳岩有經水者易治。經水斷者難治。又乳岩者。懷孕
 則其核忽成大也。
 脹滿一證。有因水氣者。有因氣結者。水氣者屬實。故
 易治。氣結者多虛。故難治。
 吉雄元吉曰。患脹滿而死者。茶毗之。腸中一塊凝然
 存。視之堅硬如石。西洋人曰。腹脹病。動脈大管生如
 肉瘤者。四肢血脉為之妨害。漸至手足削小。或然。
 狂癩血暈。其證相似而異。不可不辨。狂者妄語不止。
 癩者易驚物。劇至角弓反張。血暈精神昏冒。甚者口
 噤。此證汗出脉無胃氣者死。

瘻狗傷外貼中黃膏加杏人甘草內服黃連解毒加木鱉子兼食蟾蜍膽為良。

脫疽覺痛者未腐蝕也。不知痛者既腐蝕也。

淋疾為小便自利者與參耆湯加附子效。

肩凝腰痛左手有創右手有塊處處疼痛者流注毒也。宜與越婢加朮附湯時時以紫圓下之。若虛脫者

宜參耆桂附劑。

金創在膈膜者不論遲速必死。在臍上者為險。在腹者不用紮。近臟腑故也。

礬石巴豆斑猫烏頭等毒皆屬熱故解其毒以冷水

為佳。

按天地間不論草木蟲石凡稱酷毒者皆辛熱品也。故解毒藥以苦寒為主。如黃連解毒湯苦

參湯是也。

腐藥最為暝眩不可不知。一病人腎上施腐藥其毒忽上攻衝心死。

腐藥暝眩其證微者惡寒發熱或渴或飲食不進劇者煩渴或煩悶其毒迫于心下遂至促命期急當救

之。宜黃連解毒湯甘連加石膏綠豆湯等。

產後戰慄者血氣新虛邪氣襲之也。先與荊芥沉香湯或與十全大補加荊芥炮姜更虛者又加附子。蓋

戰慄至四五發者難治。然脈緩者可愈。緊數者為不

治。產後血虛。舌赤爛痛者。八物湯加鹿胎霜奇效。鹿胎霜亦能治產後下血不止者。身體疼痛。概因血氣凝滯。如金創天刑為痛者是也。故與行氣劑則愈。癩疔病根抵于少腹。故大腸下垂陰囊也。宜先辨其難易而施治法。陰囊偏墜。漸腫大者易治。陰囊有消長。而痛引少腹者難治。余嘗遭陰囊消長證。施針刺則大便隨下。不堪臭氣大困矣。又有因徽毒。偏墜成頑肉者。宜以剪刀割去之。若貼腐藥反害。

胃腕癰。疑似肺癰。而不止肺部。痛亦連少腹。吐膿血也。治法宜排膿散。桔梗白散。小兒發解顱者。其初必發熱。牙關緊急。天吊。宜先其時治之。葛根加朮附湯。兼紫圓為得矣。若解顱證已具。多不治。角弓反張。無吐下者。急驚風也。搐搦上竄。吐下者。慢驚風也。四逆湯。柴胡抑肝湯。惺惺散。清脾散。或的里亞加隨證投之。後藤氏用柴胡加龍骨牡蠣湯。未知其應否也。急驚風則病間明了。慢驚風則病間似睡。以是為別矣。慢驚風則發以上必昏冒。多屬不治。

偏枯不論老壯。可用桂枝加朮附湯。其急迫者。以紫圓下之。診其腹不拘急者可治。拘急者不治也。是氣不能循環者。故雖下之拘急不解也。
 中風偏枯發作有時。多屬痼家。桂枝加苓朮附湯。時時以紫圓下之。藥不久服則難治也。又婦人手臂屈伸不止者。痼也。大七氣湯治之。有奇效。拙軒曰。以上數十則。盡是實際實語。翁精神之所注。百讀不厭。學者宜奉為金科玉條。
 往年門人服部方行字子執。村醫員。喜先生說。就其書中抄錄之。為叙其略曰。先生醫術。內外一理。隨證應變。渾從實際來。故方有準則。術有活用。後學不可以不

研究焉。因請正於余。時方行嬰脚疾遽沒。後余有此著。乃刪潤其稿。以表遺愛。且繫以小詩云。多年曾樂與余遊。豈計愁遺忽。一秋殘月當窓人。不見滿天風露滴空樓。

此藥性溫味甘性平...
治一切虛弱...
凡患此症者...
宜服此藥...
其效如神...
不可不備...
每瓶銀錢...
總發行所...
上海英大馬路...
某某藥房

